



護國圖書

卷二十八
之三十

ル 1
3176
8



門ル
號3176
卷8



海國圖志卷二十八

此國界西洋西南洋
之間故別為一卷

歐羅巴人原譯

侯官林則徐譯

邵陽魏源重輯

南都魯機國

在唐以前為安息北境諸史有西女
國當在此境唐後為回國所并職方

外紀作度爾格國與歐羅巴洲之北都魯機同
是一國分跨二洲與俄羅斯相似一作土爾幾

一作土爾其
一作都魯幾

都魯機國疆域在阿細亞洲者半在歐羅巴洲者半在

阿細亞洲者曰南都魯機地廣而沃古時巴比羅尼阿

海國圖志

卷二十八

西南洋

南都魯機回國

一

國阿彌尼阿國，厘底阿國，主底阿國，舊基也。主底阿國，舊為鉅國，部民種類，由斯為多，方其盛強，鄰近諸邦，小者滅，大者服，可與敵者，惟西厘阿，與斐尼西阿二國耳。斐尼西阿，都於代厘，雄麗蕃庶，在埃阿尼呵，耶阿厘斯，厘底阿，加厘阿，阿西利阿，巴比羅尼阿，諸國之上。此外以大國稱者，又有巴比羅尼阿，阿西尼阿，然皆不能長久。後均降于巴社，斯時巴社之臘西王，恃其強盛，西奪小阿細亞，南取伊揖，疆甲諸國，意猶未厭，復統大軍，北攻額力西。額力西，歐羅巴洲大國，一作厄勒祭，兵驕無紀，在意大里之東，今並于北都魯機。

律為額力西非厘王之子，阿力山達，一戰覆之，舉國遂屬於額力西。迨阿力山達嗣位，尤稱富強，身後數子爭立，大將色力玉加斯，乘內亂而篡之，惟西隅之地，尚屬阿力山達之子，旋亦為人所侵，割據分裂。一曰伯牙麻司，一曰朋都司，一曰阿彌尼阿，相繼稱王。後值羅馬盛強之日，沿黑海，裏海之間，悉服羅馬。惟晏底古斯，彌特厘底斯，二王不服，與羅馬血戰多年，終為羅馬所滅。改國為部落者數百年，及耶蘇紀歲七百之際，羅馬浸衰，兵戈迭起，西厘阿地，阿西利阿地，均為阿丹回教所據。

海國圖志 卷二十一
建都麻那。於是阿丹之遊民，蠶擁而至，悉奪小阿細亞疆土。樹建回旗，令所屬地均改奉回教。風俗政事一變，未幾黑海之南，干戈不息。復有頭目荷多曼者，智勇過人，先得歐羅巴之北都魯機，建都其地。旋得南都魯機，合爲一國。惟耶路薩凌之地，被歐羅巴之克力士頓教人所據，不及百年。克力士頓教人，居東不樂，忽退回西。故耶路薩凌仍屬於都魯機矣。南都魯機屢經變亂，民生不聊，自荷多曼得國以後，歷數百年，無干戈之擾。惟回教政尚操切，風俗終不如古。如先日濱底格厘士河

岸者，有阿西利阿國。濱歐付底斯河者，有巴比羅尼阿國。及巴社所轄印度河之那麻士加司依路、彌阿耶路薩凌、薩麻利阿、巴厘阿斐尼西阿，皆當日鉅邦。部落逾百里，社星羅野無荒土，衢無停轍，牧畜遍野，舟楫連檣。極一時人物之盛。今其地雖存，名多不同。且奈音位之軍牆、巴比羅尼阿之城郭、巴色波利士之宮殿、耶路薩凌之廟宇何在。與夫阿臘之船廠、代伊爾之巨舶、西倫之機織商賈、兵卒之眾、牲畜之蕃、農夫士女之謳唵，又安在。陵谷滄桑，今古邱壑，人能興地，非地興人。信夫政

事與歐羅巴洲之都魯機同每大部落立一巴札轄之
地廣權重勢成尾大故千七百年間康熙三十九年達哈荷麻
王時名雖臣屬實各專制徵調貢獻羈縻闊畧按南都
魯機處一洲中央距北都遠又隔黑海常懷跋扈如東
隅巴札之來沙部巴酸部荷羅部鞭長莫及食稅衣租
不供王室卽主底阿之巴札亦復如是若巴比羅尼阿
之巴札曰阿黑則先後抗拒於那達沙王疏厘麻王竟
成敵國千八百有十年嘉慶八年費幾經營始能黜革而新
立之巴札甫經一二年復擁眾背叛國王率師往征竟

遭射肩殞命從此王家不振特以世臣夾輔未及淪夷
耳伊揖原其屬國亦舊設巴札之一近日不但臣且
侵奪都魯機之西厘阿部落收養亡命爲其爪牙居民
荼毒亦甚矣各處巴札專利朘削遇訟獄則或株連富
人而罰之或聽其入教令人首報而勒贖之或置豪民
於死刑而籍其財產皆彼國之大害城中山河表裏自
成境界然亦不如印度希麻臘牙唵底斯兩山之形勢
在阿彌阿者以阿臘山爲最高次卽西厘阿之黎巴倫
山終年積雪而中多平原可耕若主底阿全是山阜而

海國圖志卷二十八
無高聳其西隅有兩山夾峙中僅通人者有四面拱抱
內皆沃野者雖綿亘邈迤而高則僅同主底阿之山諸
河皆導源是山其最鉅者曰歐付臘底斯河底格厘士
河一直一曲均會麻疏臘同行百有五十里而出印度
海故歐付底司河長千四百里而底格厘阿河僅八百
里曲直之別也此外小河紀載未詳湖有底比厘阿湖
晚湖雖不甚大山環樹繞風景宜人風俗教門文學大
約與歐羅巴洲之都魯機同而各部種類性情絕異在
各處海岸海島者俱額力西種也謂之上等人在山中

者達戈曼種也遠隔巴札不服約束容貌風俗似是如
士比奄之後裔而游牧爲生好勇鬥狠全類韃韃里如
遇行軍但許其虜掠竟可毋給行糧然亦難以禦節制
之師其在西厘阿巴里士達巴比羅尼阿各部者俱阿
丹種也美髯善騎經商致富文雅甲通國在里麻倫山
居住者有二種一馬羅奈底士一特魯西士均阿丹人
也馬羅奈底士乃賢者馬倫所化導之人因此得名原
居於格斯羅晚山谷俗奉克力士頓教阿丹以兵勒令
改教棄家逃來日久蕃庶遂攻阿丹近邊並欲侵據耶

路薩凌部落致都魯機之阿母臘王于千五百八十八年明萬曆十六年率兵深入其地馬羅奈底士寡不敵眾始輸貢獻改從回教其俗每村必有一廟立道觀二百餘所道士業耕種僧則牧畜能甘淡泊人咸敬之雖幼小之僧有人遇諸途亦必口噀其手官民毋分尊卑節儉甚于百姓而日用尙有不足政事會議公所以阿丹之教斷之彼此有仇准私報復其戶口十一萬五千兵三萬四千又有特魯西士者種類强悍亦宗伊揖巴札伐底美所立之回教在耶穌紀年一千時宋咸平四年其教始行

與阿丹回教不盡同被阿丹禁逐遂逃於里麻倫山極高之地迨阿母臘王統兵征服馬羅奈底士之時特魯西士亦往歸服令其自立頭目約束一方以麥羅為首部歲貢方物後因遊於意大里染習奢華為人中傷而死其家別選一人續充教師世代相繼不選外人部落有大事即傳各小頭目會議並許部眾參議與英吉利政事畧同其人勇敢輕生聞戰爭先恐後不暇覓器械徒手短衣長驅赴敵其戰不長平陸而長山險居高陵下烏鎗發無不中境內所崇祀者一克力士頓廟一回

海國圖志 卷二十一
教廟每逢禮拜兩廟俱至雖無區別而至克力士頓廟者多其教師以爲經典天神所授大言自聖歐羅巴人欲見其經典從不可得大抵亦無甚精奧觀於同族聯姻自娶姊妹已可概見其額兵共有四萬其戶口約二十萬又有黑爾西者其種類亦居里麻倫山最高之處屬於西厘阿所奉回教畧同巴社飲食器皿非已不用欲洗自己之罪過須殺別教自代都魯機人皆斥爲邪教惟遇爭戰奮不畏死從未敗績常以數千而敵萬人國中亦賴此不爲俄羅斯吞并又阿彌尼阿部者當昔

大亂迭起時受災較少戶口約十七萬原奉克力士頓教因羅汶之人前曾至此故習加特力者亦約二萬第克力士頓之和尙僅不茹葷仍皆婚娶故甚尊加特力之和尙風俗政事教門與由斯相似而不慳嗇其貿易近則巴社遠則歐羅巴及印度并有深入阿未里加洲者阿彌阿之南卽戈底士丹部落濱臨底格厘士河地險難耕多游牧于韃韃里而巴社俗尤剛強動輒攘奪爲通阿細亞洲中之最悍產羊裘地氊葡萄乾布絲藥材樹膠寶石酒穀麥五金國中港口在四馬那部內

南都魯機在阿細亞洲之最西又名小阿細亞東抵巴
社以底格厘士河分界西抵地中海南界阿那比阿阿那比阿即阿丹也北界黑海東西距千二百里南北距八百里幅
員五十萬方里戶口千萬丁領大部落九小部落二百
十有六

阿那多里阿東界路彌阿加那馬尼阿西南北界海
領小部落八十有四

加那馬尼阿東北界路彌阿西北界阿那多尼阿南
界依芝爾領小部落十有六

依芝阿東界阿爾尼悉阿南界西里阿海北界加臘
馬尼阿路彌阿領小部落十有六

路彌阿東界阿彌尼阿西界阿那多里阿加那馬尼
阿南界阿爾尼西阿依芝爾北界海領小部落二十
有七

阿彌尼阿東界巴社南界哥底士丹阿爾尼西阿西
界路彌阿北界海及俄羅斯領小部落二十有四
哥底士丹東界巴社南界依那加比西界阿爾尼西
阿北界阿彌尼阿領小部落十有六

伊那加比東界巴社南界阿拉比阿西界阿爾尼西
阿北界哥底士丹領小部落十有九

阿爾尼西阿東界依那加比哥底士丹南界阿拉比

西界西里阿北界路彌阿尼阿領小部落二十有九

西里阿東界阿爾尼西阿南界阿臘比阿伊揖西界

海北界芝爾領小部落二十有五

南都魯機國沿革

漢唐皆為安息大食西北境有西女國亦在境內元為哈烈國

明為度爾格今為南都魯機○原無今補

職方外紀百爾西亞西北諸國皆為度爾格所併內有

國曰亞刺比亞中有大山名西奈山天主傳十誠之處也土產金銀極精亦多寶石地在二海之中氣候常和一歲再粟有樹如橡栗夜露墮其上即凝為蜜晨取食之極甘美更產百物俱豐自古稱為福土其地有沙海廣二千餘里沙乘大風如浪行旅遇之偶為沙浪所壓倏忽上成邱山凡欲渡者須以羅經定方向測道里又須備糧糗及兼旬之水乘以駱駝駝行甚急可日馳四五百里又耐渴一飲可度五六日其腹容水甚多客或乏水則剖駝飲其腹中水傳聞有鳥名弗尼思其壽至

四五百歲自覺將終則聚乾香木一堆立其上待天甚熱搖尾燃火自焚矣骨肉遺灰變成一蟲蟲又變為鳥故天下止有一鳥而已西國言人物奇異無兩者皆謂之弗尼思云其地有一海長四百里廣百里水味極鹹性凝結不生波浪嘗湧大塊如松脂不能沉物雖用力按抑不能入曾有國王異之往觀命人沉水試之終不可入海色一日屢變日光炫耀文成五色因其不生水族故命曰死海度爾格之西北曰那多理亞國有山多瓊石國人嘗往鑿之至一石穴見石人無算皆昔時避

亂之民穴居于此死後為寒氣所凝漸化為石其地西界歐羅巴處中隔一海寬五里許昔有一名王曰失爾塞者造一跨海石梁通連兩地今為風浪衝擊亦崩頽矣又有地名際刺產異羊羊之絨輕細無比雨中衣之畧不沾濡即漬以油毫不污染也一種異犬性好竊衣履巾帨之屬稍不慎輒為竊匿矣有山生草木皆香過之則香氣馥郁襲人衣裾案後漢西域傳從安息繞海北行有飛橋數百里即此五里石梁之誘傳新唐書拂菻西際海有西女國種皆女子多珍貨附拂

赫拂赫君長歲遣男子配焉俗產男不舉

文獻通考西女國在蔥嶺之西其俗與東女同東女在蔥嶺東

南近吐番後亦為吐番所滅附于拂赫唐貞觀八年朝貢始至

坤輿圖說韃而韃各國迤西舊有女國曰亞瑪作擗驍

勇善戰建一神祠壯麗奇巧非思議所及今亦為他國

所并僅存其名耳案為他國所并者即指度爾格國兼并之事

萬國地理全圖集曰土爾其藩屬國北接俄羅斯及黑

海南連亞刺伯及地中海東接白西國西至希臘羣島

海為亞齊亞洲極西之地方北極出自三十度至四十

度東偏自二十六度至四十八度長二千六百里闊二

千四里北方山極險峻高接雲霓河源皆在此山最長

者巴河地額河對流而東南及將入海兩河乃合屢次

漲潦其湖最著者曰死海其北為加利湖其約爾坦河

自北流南而入死海。此地古時分為列國唐朝年間

回回占據其地居民塗炭今已千有餘年土官橫征私

派并勒令天主教及希臘回教之徒概進稅貢山內有

蠻族心野好戰時時掠其游牧所有列國藩屬如左

又曰小亞西亞國即南都魯機也其國半土山險峻物

海國圖志卷之二十八
產多出胡絲乾葡萄果等貨，遍地古蹟，昔時興旺，今則衰寂。士麥那城居民十萬，所運出運進之貨價，每年不止幾百萬金，列西國之賈，悉來其地，但其城市不潔，瘟疫易生。補撒大城居民六萬，加士他母尼邑內有回廟宇，其黑海北方有得比遜海口，與義羅斯通商，族類五萬人，內地古地亞城，可尼昔西域之王都也，居民六萬丁，附近安峩刺城，羊毛最細，用之織布最溫軟，西瓦邑六萬居民，掘山出銅，其東南海濱，居伯羅島，地膏腴，出葡萄酒，南菓五穀，女多美麗，但因苛政，民稀土曠。

羅得島，水土最宜農，古時各島皆有土酋，今服屬於土爾其。治阿島，居民十五萬，道光四年，土爾其水師上岸，攻其城池，燬其富庶。米地鄰島，產酒油。

兩河中地，北有亞麥尼地，山嶺險隘，峒峽深邃，洪水初平之際，巨舟閣於其峯，居民奉耶穌之教，好商賈，不憚跋涉，惟回回官甚磨難其民，其都曰葉西倫，有十萬民居，天氣冷，七月有雪，巴牙息在山腳，亞麥尼民之學院，內有壯麗之寺，其教主所會也，近河平坦，地亞北客城，與鄰國通商。山內古耳得族，類建堡山穴，以賊盜爲

生。中地之都會曰摩俗鄰地或沙或澤農苦耕耘賊奪產物。八塔城昔回國都古時殿宇祥光燦爛現時衰廢獨存其古蹟瓦礫如山可想其城之廣大因犯上帝之律例酷待所虜之猶太人是以遭廢成野。在兩河入海之所曰巴所刺邑與印度國通商屋小街窄人穢然係萬國饒富之市商賈甚盛。

案南都魯本韃靼種舊游牧蔥嶺伊犁一帶展轉西徙入買諾居於拉馬尼亞者也。

地球圖說土耳其國東界白爾西亞國南界亞拉比亞

國西界地中海北界黑海其百姓約有一千二百萬之數其都城在歐羅巴大洲內土耳其國相間之處地名孔士旦半天主教半猶太教北有高山南有曠野中央平坦內有大湖名曰死海鹹而且臭終無可用死海之北有加利利湖卽救主耶穌在此宣講真理多醫疾病不時顯聖有約耳坦江卽耶穌領受洗禮之處又有許多被天火焰燒之城卽巴米辣巴皮倫尼瓦等城雖泯沒而舊跡尙存再稽聖書內言真神始以土塵造人名亞丹復以亞丹之筋骨造女以爲夫婦復栽以田園

海國圖志 卷二十八
三
以與二人居住之處，暨耶路撒冷城，係猶太國之都，內有真神殿宇，當時之民，每年必三至禮拜，迄後猶太國民終不信從，真神震怒，卽加大罰，殛其民，毀其城，至今大相懸殊也。城外有橄欖山，卽耶穌日在耶路撒冷城宣教，夜回橄欖山栖宿之地，并耶穌生身之地，長養之地，葬身之地，均在是國，現其塚上爲天主教門徒建立禮拜堂，以耶穌教之門徒，無追慕之理也。國內江河極少，運貨俱用駝馬，必旅伴同行，以禦劫掠，牧羊者眾，務農者少，有大江名由非刺氏江，又名比拉江，土產北果，蒲荷

酒，五穀，菸葉，絲布，鴉片，胡絲，羊絨布，獸皮，銅等物，道光十六年，被麥西國人侵佔西南境界，至二十年，幸歐羅巴大國助而復之。

外國史略曰：南土耳其，在亞悉亞藩屬地，南抵亞拉回國，北及黑海，東連峩羅斯，白西等國，西及地中海羣島等，海達他匿並君士坦海，陝隔之，以峩羅斯之微地，曰蘇益，與亞非利加相連，北方多山，東方平坦，兩大河匯入白西海隅者，一爲以法河，一爲得義河，所屬之地，本古各國，後爲羅馬所轄。小亞悉亞，乃半地所凸出者，廣

海國圖志 卷五十一
表方圓八千里居民五百萬田甚豐盛天氣溫和多物
產南果葡萄俱美出絲花鴉片薑花煙木料牛馬羊尾
長可織布又出胡絲花石鉛居民多土耳其人性驕傲
亦多希臘人多爲商匠在山內者恣游牧頗爲盜賊居
民造搭膊布並緞地分八郡最廣港口曰士默那居民
十二萬五千多外國商賈人戶稠密多瘟疫港多商船
運出者鴉片蠶絲百果藥菜花氈等貨運入者各工製
造之物廣通商無積聚土甲居民十萬舊地亞居民六
萬。屬此地之島曰棋賓島在敘利海邊居地中海中

廣表方圓三百四十里民多希臘人亦有教師教主昔
本豐盛多物產今祇出葡萄極大之城曰尼可西亞居
民萬六千全島之山水美不勝賞故自古閒逸之士皆
集此以適其意。羅突島廣表方圓二十一里出南果
絲花五穀橄欖油居民三萬在地中海邊地立新埠今
已三百年服土耳其之權。勒布廣表方圓十二里居
民五萬屬土族出無花果及橄欖油百姓能力於戰。
士其阿廣表方圓十八里數年前居民十二萬出南果
胡絲絲花向時此島本樂境貿易極旺道光二十年希

臘人欲脫土爾其之酷，因驅逐土兵，土兵來報復，殺男女老幼四萬，又將三萬人販賣為奴，遂荒其地。

兩河中之地悉廣坦，古本樂地，中地之北方，甚豐盛，有牧場，與亞拉回國交界，係沙野，少產物，兩河邊瀦澤尤廣，地半游牧，各自有酋長，不服國王之權，山內有新族，亦不畏國君，其都會巴達，係古回國君之都，居民五萬，即與五印度貿易之處，地平坦，前時建巴比倫，尼尼瓦兩大邑，為兩國之都，於是時據各鄰國，亦陷猶太地，且虜其民人，後為他國所滅，間有游牧者至其地，遍地

荒野，且其河溢漲，居民受困，地雖甚腴，卻無草無菜，又時有瘟疫，其大港曰布所拉，在白西海隅，為兩江匯入海口，商船雲集。○北與俄羅斯國所連者曰亞面地，廣袤方圓千五百九十三里，居民九十五萬，大半山地，所出之穀微，惟牧場頗茂，居民多耶穌教，古原自為一國，被回回攻服，民聰慧善賈，巡游四方，甚殷實，散布亞悉亞各國，在土耳其國，大開銀局，其國若務大事，惟亞面人是賴，人奉回教，外多儀，而內極誠實，外國人皆敬之，其會城曰益西倫，在高山上，居民十萬，多製造皮布兵

器多賣與土爾其國羣商每年自亞悉亞集此貿易輻
輳不絕附此邑有山巨舟能入有水患卽避此

敘利亞部在地中海邊東與亞拉國相連延及小亞悉
亞廣袤方圓二千三百里有利巴倫山古多香松今爲
游牧之所東方沙坦多巉巖海邊地極豐盛天氣熱北
方有阿倫得江足灌溉兩岸山水甚美多產南果蒲桃
烟繇花五穀居民二百五十萬養駝縣羊山羊蠶豕蜜
山出鐵花石及各貨百姓語音不一教亦不一若回回
天主教門猶太人種種有之昔推敘利亞部爲國主後

歸羅馬所轄居民久奉天主教迨亞拉之回回侵迫令
民政從回教居民不多荒其田而不耕較往古盛時不
及百分之一犬馬土革城亦豐盛居民二十萬街狹人
稠。安地悉居民一萬古爲廣大之都海邊港口曰亞
拉居民萬五千疊爲敵國圍困昔有破拿倫將軍後爲
佛國王攻伐而退後麥西國並英人又取之哈立城卽
山麓大城邑原居民二十萬於道光二年地震屋宇倒
壞然山水固極清秀也猶太國屬敘利亞古時天主創
教之地爲羅馬國所有者五百餘年後又爲回教所屬

者五百年後歐羅巴各國大發憤會兵攻取耶路撒冷之都旋爲土耳其君所據仍崇回教故其地雖豐今則荒甚僅存耶路撒冷之民約二萬餘多屬天主教歲有遠方人來拜聖墓瞻古跡耶穌之都亦立教主以訓猶太民其國大河曰約耳但河自北而南其流甚急入於死海在北流所通之湖曰加利利長二里闊里餘在湖濱海南之地多沙海北地產各物內多山峯亦有平坦沃土千里居民散處無定居土耳其征其錢糧按數追納逃避者多約耳但河外有平坦足資游牧穀田甚腴

其地分三分東曰加利利卽耶穌所生長之地中央曰撒馬利亞百姓以道雜異端故甚與猶太人結仇其南曰猶太亦在此建都焉

土耳其國有雜族之民共二百萬樂安逸好勇戰一人每娶數女土人甚少用外國人以代辦事立酷政以儆脅其下虜異族小兒斷其勢皮以爲回教所募之軍所建之船一切皆效西洋招異國人爲武官其希臘人住海口廣貿易亦爲水手亦耕田約百餘萬崇天主教或尙羅馬教皇所傳之教巧獍務利不樸實其女美而惑

海國圖志卷二十一
男今則民數日少前統管亞悉亞西方今被土夷所東
亞面族約十萬名頗老實在各大城邑經營致富與峩
國同音族類七百二十萬人與破蘭所居相上下情甚
鄙陋惟飽食無他意土國制之易如反掌其由西國來
之雜族約六百五十萬其猶太國人散在各部以本祖
所居之國爲聖地雲集居住數約九十萬以買賣爲業
其東方有亞拉人數百萬或游牧皆崇回教另有蠻族
在山內以搶奪爲生極凶悍。其產物多棉花在歐羅
巴地每年約值銀三百五十萬兩在麥西國約六十萬

石亦出烟每處多至二十萬包國人皆食之葡萄汁由
西方亞悉亞運出者約六十萬担所出之鴉片約四千
箱皆運入中國亦產藥材蠟蜜蠶絲與細羊毛其馬高
大善走製造之物不多皆買自外國而易以土產國多
港口土人不善營生希臘亞面等國之民爭至此爲商
在土默拿一年之貨物運出運入約價銀五千萬員
地理備考曰土耳其國兼攝之地在亞細亞州之西緯
度起自北三十度起至四十二度止經度自東二十三
度起至四十八度止東至白爾西國西枕地中海南接

天方國北界黑海長四千里寬二千六百里地面積方約七十二萬里烟戶一京二兆五億口境內巔巖參差岡陵延袤山之至高者曰道羅曰里巴諾曰亞拉刺曰科令伯曰義大曰加爾美羅河之最長者曰有發拉德曰的加勒曰幾西義馬曰曼德勒曰若爾丹曰薩拉巴湖亦錯雜大者曰萬曰亞斯發的德即死海也曰巴加馬曰亞波羅尼曰亞斯薩約曰達薩拉曰亞哥失爾嶼更羅列巨者曰西布勒曰巴達麼斯曰羅德斯曰西岳曰勒斯波曰德內德斯田土肥饒豐茂金石各礦具備

禽獸充斥土產絲酒油蜜香料藥材等物地氣互異山頂冰雪平原熇暑技藝精良貿易豐盛所奉之教乃回教也其地分爲五部一名小亞細亞又名亞那多里在西方內六府一名亞爾美尼部在東方內五府一名古爾的部在東方內二府一名美索布達迷部在東南內三府一名西利亞部在南方內四府其衝要繁華之地皆在亞那多里部半在亞爾日西拉部一又名白棱即耶穌降生之地皆在西利亞部

--	--	--	--	--	--	--	--	--	--

西南洋五印度沿革總敘

行海以指南鍼取向，地球以渾儀辨方，五印度地當震旦西南，以中國偏東形勢格之，爲丙午丁未方，以地平二十四盤分之，則在巽巳云。唐以前西域貢道由蔥嶺達玉關，道雖迂迢，而歷代取經求法之僧，足與目謀圖畫指掌。至宋天聖中，防西夏鈔掠，始改大食等國貢道由海達廣州，自後習於航海之便，於是自古西域西南近海之國，概稱西南洋。古時國名十亡其六，元有天下吞并西域，分封駙馬子弟爲王，盡易國名以蒙古語而

古今沿革十亡其九明一統志稱自後魏至隋唐康居安息二國地界相混豈知大秦與條支二國屬賓與印度各國尤混之混甚至宋史謂天竺以東之注輦國距廣州四十一萬里天竺以東當與今滿刺加接壤在元緬甸暹羅之南距廣州不及萬里元史征瓜哇謂以五千卒渡海二十五萬里征從古未至之國史弼傳考其方域距閩粵皆里不及萬至馬八爾國在天方之西境較注輦瓜哇稍遠亦計里不過萬餘而元史謂自泉州至其國約十萬里皆無稽之說地周九萬里自歐羅巴大西洋至中國幾于繞地半周為里亦

不過五六萬里烏有阿細亞洲之南洋近接西藏緬甸動稱數十萬里者乎又甚者以元太祖至鐵門見角端之地為東印度不知尚未入北印度也以西藏吐番之地為古佛國中印度反以中印度之痕都斯坦為屬賓西域而不知印度河印度海至今尚存西南洋也以蔥嶺東西回部自昔皆回教無佛教不知自古皆佛教無回教也六合以外存而不論八荒以外論而不議九州以外議而不辨西南諸國近在九州以外尚非八荒之外也且海防切膚之災也烏得不論而烏得不議輯五

印度沿革六篇恒河考二篇附北印度疆域考二篇元
代征西域考二篇蔥嶺以東新疆回部考二篇

Table with multiple columns and rows, containing faint text that is mostly illegible due to fading and bleed-through from the reverse side.

海國圖志目錄

印度沿革 原無 今補

卷二十九

五印度沿革總考 正史歷代使西域記○附恒考二篇

卷三十

中印度沿革 今溫都斯坦小白頭回國屬英夷職方外紀作莫卧爾

東印度沿革 今孟加臘屬英夷明史作榜葛刺

南印度沿革 今孟邁等埠西洋各國分據之海中錫蘭島附

西印度沿革 今包社大白頭回國及阿丹回國與英夷通和不為所屬○漢書曰安息條支

唐以後曰大食波斯赫
蘇明曰天方默德邦

北印度沿革

今克什彌爾國不屬英夷亦不屬中國
○克什彌爾漢屬賓其西境之愛烏罕
即漢月支亦北印度境也其北境之巴達克
山及博羅爾等非北印度境亦附錄備考

卷三十一

北印度西北鄰部附錄

卷三十二

北印度以外疆域考二篇

元代征西域考二篇

蔥嶺以東新疆回部附考二篇

海國圖志卷二十九

西南洋

邵陽魏源輯

五印度沿革總考

原本無
今補輯

後漢書天竺國一名身毒在月氏之東南數千里俗與月氏同而卑溼暑熱其國臨大水乘象而戰其人弱於月氏修浮圖道不殺伐遂以成俗從月氏高附國以西南至西海東至盤起國皆身毒之地身毒有別城數百城置長別國數十國置王雖各小異而俱以身毒為名其時皆屬月氏月氏殺其王而置將令統其人士出象

犀璠瑁金銀銅鐵鉛錫西與大秦通有大秦珍物又有
細布好氍毹諸香石密胡椒薑黑鹽和帝時數遣使貢
獻後西域反叛乃絕至桓帝延熹二年四年頻從日南
徼外來獻世傳明帝夢見金人長大頂有光明以問羣
臣或曰西方有神名曰佛其形長丈六尺而黃金色帝
於是遣使天竺問佛道法遂於中國圖畫形像焉楚王
英始信其術中國因此頗有奉其道者後桓帝好神數
祀浮圖老子百姓稍有奉者後遂轉盛

晉法顯佛國記法顯昔在長安慨律藏殘缺遂以
宏始二年己亥與慧景等往天竺尋求戒律初度

隴至乾歸國夏坐訖前行至傳檀國值張掖大亂
張掖王雷作檀越復夏坐訖進燉煌沙河計千五
百里至鄯善國其國王奉法可有四千餘僧悉小
乘學從此西行所經諸國胡語國不同然出家
人皆習天竺書天竺語住此一月復西北行十五
日到烏夷國僧四千餘人皆小乘學法則齊整西
南行一月五日得至于闐國僧數萬人多大乘學
家家門前皆造小塔最高者可高二丈許其國十
四大僧伽藍不數小者有大乘寺三千僧共提進
食威儀齊肅器鉢無聲法顯欲觀行像停三月日
觀行像訖進向子合國在道二十五日國王精進
有千餘僧多大乘學住此十五日已於是南行四
日入葱嶺山到於摩國安居行二十五日到竭叉
國值其國王作五年大會四方沙門雲集其地山
寒不生餘穀惟熟麥耳有佛唾壺及佛齒塔國當
葱嶺之中從此北行向北天竺在道一月得度葱
嶺冬夏有雪又有毒隴度嶺已到北天竺始入其
境順嶺西南行十五日崖岸險絕石壁千仞下有

水名新頭河昔人鑿石通路及度七百傍梯已躡
懸絕過沙河兩岸相去減八十步漢之張騫甘英
皆不至也渡河便到烏菴國是正北天竺也盡作
中天竺語佛遺足跡及晒衣石從此東下五日到
捷陀衛國是阿育王子法益所治處高四十餘丈閻
浮提塔唯此為上佛鉢即在此國月氏王大興兵
象迎鉢不去西行十六由延至那竭國界供養佛
頂骨佛齒佛影佛錫杖佛僧伽犁有諸羅漢辟支
佛塔及千數住冬二月南度小雪山山北陰寒人
皆噤戰方前過嶺南到羅夷國又南下行十日到
跋那國各有三千餘僧兼大小乘學從此東行三
日復渡新頭河兩岸皆平地過河有國名毗荼佛
法興盛僧眾萬數又經捕那河到摩頭羅國凡沙
河已西天竺諸國王皆篤信佛法供養眾生從是
以南名中天竺中天竺國寒暑調和無霜雪無戶
籍官法惟耕王地者乃輸地利不用形殺隨罪輕
重輸錢惡逆惟截右手國人悉不殺生不飲酒不

食葱蒜唯除旃荼羅獵師自渡新頭河至南天竺
迄於南海四五萬里皆平坦無大山川止有河水
從此南行十八由延有國名僧伽施佛在忉利天
為母說法下來處寶塔七級上覆精舍國內豐熟
雨澤以時東南行七由延到剎梨林從此東南行十由
度恒水南行三由延到阿梨林從此東南行十由
延到沙祇大國有四佛經論坐處起塔故在從此
南行八由延到揚薩羅國舍衛城即波斯匿王所
治城也城內人民稀曠有二百餘家城南門外千
二百步即祇洹精舍池流清淨林木蔚然有波斯
匿王所刻牛頭旃檀佛像住此處最久說法度
人經行坐處亦盡起塔城西五十里有伽葉佛舍
利塔從舍衛城東南行十二由延到迦羅衛城即
白淨王故宮也城中甚荒只有眾僧民戶數十家
而已佛為太子出家及得道還見父王處故蹟具
在各有塔表之國大空荒人民稀少道揚路怖畏白
象師子不可妄行復東行十七由延到揚路怖畏白
城城北雙樹間希連河邊世尊般涅槃處城中人

民亦稀曠從此東行十七由延到毗舍離國城西
 北三里起塔向在從此東行四由延到五河合口
 佛後人般湟槃于河中央分身作二分各在一岸
 阿難自般湟槃于河中央分身作二分各在一岸
 俾兩國王各得半身舍利起塔度河南下一由延
 到摩竭提國巴連弗邑是阿育王所治也諸天竺
 中唯此國城邑為大民人富盛年年以建卯月作
 行像四輪車高三丈許其狀如塔懸繪幡蓋四邊
 作龕皆有坐佛菩薩立侍可二十車道俗雲集香
 花伎樂供養國中長者居士各于城中立德醫
 藥舍以施貧病城南三里舍新王最初所作大
 塔從此東南行九由延到王舍新城是阿闍
 世王所造出城南四里南向入谷至五山里五山
 周圍狀若城郭東南上十五里到耆闍崛山峯秀
 端麗是五山中最有佛及諸羅漢弟子各坐禪
 石窟數百法顯感佛昔于此說首楞嚴因停一宿
 向窟誦經又西行五六里山北陰中有一石室是
 佛泥洹後五百阿羅漢結集經處從此西行四由

延到迦耶城城內亦空荒佛泥洹已來惟四大塔
 處佛法相承不絕四大塔者佛生處得道處轉法
 輪處般泥洹處從此南行三里到雞足山大迦葉
 今在此山中入定法顯還向巴連弗邑順恒水西
 行二十由延到迦尸國波羅奈城東北十里有
 鹿野苑精舍是佛成道處欲西北往揚睽彌國而
 道路艱險竟不得往遂東行還到巴連弗邑法顯
 本求戒律而北天竺諸國皆師口傳無本可寫
 是以遠步乃至中天竺得摩訶僧祇眾律佛在世
 時最初大眾所行也于祇洹精舍傳其本自餘十
 八部各有師資大歸不異復得一部薩婆多眾律
 即此秦地眾僧所行者也任此三年學梵書梵語
 寫律遂順恒水東下十八由延其南岸有瞻波大
 國佛精舍經行處及四佛坐處悉起塔從此東行
 近五十由延到多摩梨鞞國即是海口其國佛法
 亦興法顯住此二年寫經及畫像于是載商人大
 船汎海西南行晝夜十四日到師子國其國在大
 洲上東西五十由延南北三十由延左右小洲百

數皆統屬大洲多出珍寶佛至其國現神足降惡龍有青玉像高二丈許通身七寶右掌中一無價寶珠國中可五六萬僧常以三月出佛齒供養法顯任此國二年更求得沙彌塞律藏本復上大船南還至青州長廣郡界法顯自發長安六年到中天竺停六年還三年達青州凡所游歷咸三十國魏書南天竺國去代三萬一千五百里有伏醜城周匝十里城中出摩尼珠珊瑚城東三百里有拔賴城城中出黃金白真檀石蜜葡萄土宜五穀世宗時其國王婆羅化遣使獻駿馬金銀自此每使朝貢又有疊伏羅國去代三萬里拔豆國去代五萬里皆出白象亦必天竺境但使未明言故不錄之

梁書中天竺國在大月支東南數千里地方三萬里一名身毒漢世張騫使大夏見邛竹枝蜀中國人云市之身毒身毒即天竺蓋傳譯音字不同其實一也從月支高附以西南至西海東至槃越列國數十每國置王其名雖異皆身毒也漢時羈屬月支其俗土著與月支同而卑溼暑熱民弱畏戰弱于月支國臨大江名新陶源出崑崙分為五江總名曰恒水其水甘美下有真鹽色正白如水精其西與大秦安息交市海中多大秦珍物珊瑚琥珀金碧珠璣琅玕鬱金蘇合漢桓帝延熹九年

大秦王安敦遣使自日南徼外來獻漢世唯一通焉其國人行賈往往至扶南日南交趾其南徼諸國人少有大秦者魏晉世絕不復通唯吳時扶南王范旃遣親人蘇勿使其國從扶南發投拘利口循海大灣中正西北入歷灣邊數國可一年餘到天竺江口逆水行七千里乃至焉積四年方返其時吳遣中郎康泰使扶南及陳宋等具問天竺土俗云佛道所興國也人民敦龐土地饒沃其王號茂論所都城郭水泉分流繞于渠壟下注江其宮殿皆雕文鏤刻街曲市里屋舍樓觀鐘鼓音

樂服飾奢華水陸通流百賈交會奇玩珍瑋恣心所欲左右嘉維舍衛葉波等十六大國去天竺或二三千共尊奉之以為在天地之中也天監初其王屈多遣長史竺羅達奉表

按梁書所去月氏高附以西南至西海東至槃越列國數十每國置王其名雖異皆身毒之地說本後漢書是安息條支抵西海之地古皆西印度明矣又言天竺國臨大江名新陶即新頭河皆印度河之音轉源出崑崙分為五江總名曰恒水其說同於水經注

則印度河即西恒河明矣。又言天竺西與大秦安
息交市，海中多大秦珍物，其南徼國人行賈，少有
到大秦者，則大秦與天竺隔地中海，相距絕遠，亦
與魏書大秦傳從條支西渡海曲一萬里及後漢
書抵條支臨大海欲渡大秦得順風三月乃渡之
語合陸路相通之拂林，可名大秦又明矣。梁時佛
教盛行，梵僧來往內地，言皆親歷，故境無鑿空語。
印度者當以後漢書梁魏書為本，而一切誇詐矯
誣之語，可比諸無稽焉。

北魏僧惠生使西域記魏書
魏神龜元年十一月冬，太后遣崇立寺比丘惠生
與敦煌人宋雲向西域取經，凡得百七十部，皆是
大乘妙典。初發京師，西行四十日，至赤嶺，即國之
西疆也。山無草木，有鳥鼠同穴。又西行二十三日，
至吐谷渾國，又西行三千五百里，至鄯善城。又西
行千六百四十里，至且末城。有呂光伐胡時所作
佛菩薩像，又西行千三百七十五里，至末城。又西
行二十二里，至捍摩城。有于闐國供佛之塔，其旁
小塔數千，懸幡萬計。又西行八百七十八里，至于
闐國。有國王所造覆盆浮圖一軀，有辟支佛靴，于
今不爛。于闐境東西三千餘里，神龜二年七月二
十九日，入朱駒波國。人民山居，不立屠殺，食自死
肉。風俗語言與于闐同。文字與婆羅門同。其國疆
界可五日行徧。八月入渴盤陀國。界西行六日，登
蔥嶺山。復西行三日，至鉢孟城。三日，至壽龍池。為
昔盤陀王以婆羅門咒咒之，龍徙蔥嶺，西去此地
二千餘里，自發蔥嶺，步步漸高，如此四日，乃得至

嶺依約中下實天半矣湯盤陀國正在山頂自蔥嶺已西水皆西流入西海世人云是天地之中九月月中旬入鉢和國高山深谷險道如常因山為城羶服窟居人畜相依風雪勁切有大雪山望若玉峯十月初旬入曠曠國居無城郭隨逐水草不識文字年無盈閏用十二月為一歲受諸國貢獻南至牒羅北盡敕勒東被于闐西及波斯四十餘國皆來朝貢最為強大王帳周四十步器用七寶不信佛法殺生血食見魏使拜受詔書去京師二萬餘里十一月入波斯國境土甚狹七日行過破此亦非佛經之波斯國也漸出蔥嶺角危峻人馬十一月月中旬入除彌國漸出蔥嶺角危峻人馬僅通鐵鎖懸度下不見底十二月初入烏場國北接蔥嶺南連天竺土氣和暖原田膾膾民物殷阜國王菜食長齋晨夜禮佛日中已後始治國事鐘磬徧界異花供養聞魏使來膜拜受詔國中有如來晒衣履石之處其餘佛跡所至炳然每一佛跡輒有寺塔覆之比丘戒行精苦至光元年四月申

旬入乾陀羅國土地與烏場國相似本名業波羅國為嚧噠所滅遂立勒勒為王國中人民悉是婆羅門種崇佛經典而國王好殺不信佛法與屬賓爭境連年戰鬥師老民怨坐受詔書凶慢無禮送使一寺供給甚薄西行三月至新頭大河復西行十三日至佛沙伏城郭端直林泉茂盛土饒珍寶風俗淳善各僧德泉道行高奇石像莊嚴通身金箔有迦葉佛跡復西行一日乘舟渡一深水三百餘步復西南行六十里至乾陀羅城有佛涅槃後二百年國王迦尼色迦所造雀離浮圖凡十二重去地七百尺基廣三百餘步悉用文石為陛塔內佛事千變萬化金盤晃朗寶鐸和鳴西域浮圖最為第一復西北行七日渡一大水至那迦羅訶國有佛頂骨牙髮袈裟錫杖山窟中有佛影佛跡有七佛手作浮圖及佛手書梵字石塔銘凡在烏場國二年至正光二年還闕

水經注河水篇釋氏西域記阿耨達太山其上有大淵水宮殿樓觀甚大焉山即崑崙山也其山出

六大水，山西有水，名新頭河，經罽賓，捷越摩訶刺諸國，而入南海。凡全錄今引法顯傳前阿耨山西南有水名遙奴，山西南小東有水名薩罕，水東有水名恒伽，此三水同出一山，俱入恒水。康泰扶南傳曰：恒水之源，乃極西北，出崑崙山，中有五大源，諸水分流，皆由此。五大源，枝扈黎、大江、出山西北流。東南注大海，枝扈黎，即恒水也。故釋氏西域記作恒曲之目。恒北有四國，最西頭恒曲，中者是也。有揚夷、那揭國、林揚國，其水亂流，注于恒。恒水有東逕毗舍利城，城北去王舍城五十由旬。恒水又東逕罽賓、饒夷城，城之西北六七里。恒水北岸，佛說法處。恒水又東南逕迦維羅城，北故淨王宮也。竺法維曰：迦維羅國，佛所生天竺國也。天地之中央也。恒水又東至五河口，蓋五水所會也。渡河南下，一由旬到摩竭提國，巴連林邑，即阿育王所治之城。凡諸國中，惟此城為大，居人富盛，競行仁義。恒水又東南逕小孤石山，山頭有佛所坐石室。恒水又西

逕王舍新城，是阿闍世王所造。又西逕迦那城，南釋氏西域記曰：尼連禪水，南注恒水。佛于此浴，復順恒水西下，到迦尸國，波羅奈城。竺法維曰：波羅奈國，在迦維羅衛國南，千二百里，中間有恒水，東南流。佛轉法輪處，在城東北十里，即鹿野苑。法顯又曰：恒水又東到多磨梨，即海口。釋氏西域記：大秦一名梨，康泰扶南傳曰：從迦那調洲西南入大灣，可七八百里，乃到枝扈梨。大江口，渡江逕西行，極大秦也。又云：發揚利口，入大灣中，正西北入，可一年餘，得天竺江口，名恒水。江口有國，號擔祇，屬天竺。釋氏西域記曰：恒水東流入東海，蓋二水所注，兩海所納，自為東西也。又曰：蔥嶺高千里，河源潛發，其嶺分為二水，一水西徑循休國南，又逕難兜國北，又西逕罽賓國北，又西逕月氏國南。其俗與安息同。又西逕安息國南，城臨娑水，地方數千里。河水與蜺羅跋禰水同注雷翁海。此蔥嶺西流之水也。釋氏西域記：蜺羅跋禰水，亦出阿耨達山之北。西逕札尸羅國，四大塔北，又西逕健

陀衛國北其水至
安息注雷翁海

新唐書天竺國漢身毒國也或曰摩伽陀曰波羅門去京師九千六百里都護治所二千八百里居蔥嶺南幅員三萬里分東西南北中五天竺皆城邑數百南天竺瀕海出師子豹獬橐駝犀象火齊琅玕石蜜黑鹽北天竺距雪山圍抱如壁南有谷通爲國門東天竺際海與扶南林邑接西天竺與罽賓波斯接中天竺在四天竺之會都城曰茶縛和羅城濱迦毗黎和有別城數百皆置長別國數十置王曰舍衛國曰迦沒路國開戶皆東

嚮中天竺王姓刹名利氏世有其國不篡殺土溥熱稻四熟禾之長者沒橐駝以貝齒爲貨有金剛旃檀鬱金與大秦扶南交趾相貿易人富樂無簿籍耕王地者乃輸稅以舐足摩踵爲致禮家有奇樂倡伎王大臣皆服錦罽爲螺髻於項餘髮剪使卷男子穿耳垂瑠或懸金耳環者爲上類徒跣衣重白婦人項飾金銀珠纓絡死者燔骸取灰建窆堵或委野及河餌鳥獸魚鼈無喪紀謀反者幽殺之小罪贖錢不孝者斷手足劓耳鼻徙于邊有文字善步歷學悉曇章安曰梵天法書貝多葉以

記事尚浮屠法不殺生飲酒國中處處指曰佛故迹也
信盟誓傳禁咒能致龍起雲雨隋煬帝時遣裴矩通西
域諸國獨天竺拂菻不至爲恨武德中國大亂王尸羅
逸多勒兵戰無前象不弛鞍士不釋甲因討四天竺皆
北面臣之會唐浮屠玄奘至其國尸羅逸多召見曰而
國有聖人出作秦王破陣樂試爲我言其爲人玄奘粗
言太宗神武平禍亂四夷賓服狀王喜貞觀十五年遣
使者上書帝命雲騎尉梁懷璠持節慰撫尸羅逸多驚
問國人自古亦有摩阿震旦使者至吾國乎皆曰無有

戎言中國爲摩阿震旦乃出迎膜拜受詔書戴之頂復
遣使者隨入朝二十三年遣右衛率府長史王玄策使
其國以蔣師仁爲副未至尸羅逸多死國人亂其臣那
伏帝阿羅那順自立發兵拒玄策時從騎纔數十戰不
勝皆沒遂剽諸國貢物玄策挺身奔吐蕃西鄙檄召鄰
國兵吐蕃以兵千人來泥婆羅以七千騎來玄策分部
進戰茶鏹和羅城三日破之斬首三千級溺水死萬人
阿羅那順委國走合散兵復陣師仁禽之俘斬千計餘
眾奉王妻息阻乾陀衛江師仁擊之大潰獲其犯王子

海國圖志 卷二十九
虜男女萬二千人，雜畜二萬，降城邑五百八十所。東天竺王尸鳩摩送牛馬三萬，餽軍及弓刀寶纓絡，迦沒路國獻異物，并上地圖，請老子象。玄策執阿羅那順獻闕下，有司告宗廟，玄策朝散大夫，得方士那羅邇娑婆寐，自言壽二百歲，有不死術。帝改館使治丹，命兵部尚書崔敦禮護視使者馳天下，采怪藥異石。後術不驗，有詔聽還，不能去，死長安。高宗時，盧伽逸多者，東天竺烏茶人，以術進，拜懷化大將軍。乾封三年，五天竺皆來朝。開元時，中天竺、北天竺各遣使者至，南天竺亦獻五色能

言鳥，乞師討大食，吐番，丐名其軍。玄宗詔賜懷德軍摩揭陀，一曰摩伽陀，本中天竺屬國，環五十里，土沃宜稼穡，有異稻巨粒，號共大人米。王居拘闍揭羅布羅城，北瀕兢伽河。貞觀二十一年，始遣使者，自通于天子。獻波羅樹，樹類白楊。太宗遣使取熬糖法，即詔揚州上諸蔗，榨審如其劑，色味愈西域遠甚。高宗又遣王玄策至其國，摩訶菩提祠立碑焉。後德宗自製鍾銘，賜那爛陀祠。又有那揭者，亦屬國也。貞觀二十年，遣使者貢方物。烏茶者，一曰烏伏那，亦曰烏菴，直天竺南，地廣五千里，東

海國圖志卷二十九
距勃律六百里西罽賓四百里山谷相屬產金鐵葡萄
鬱金稻歲三熟人柔詐善禁伽術國無殺刑抵死者放
之窮山罪有疑飲以藥視溲清濁而決輕重有五城王
居膏揭釐城東北有達麗羅川卽烏菴舊地貞觀十六
年其王遣使者獻龍腦香璽書優答大食與烏菴東鄙
接數誘之其王與骨咄俱位二王不肯臣開元中命使
者冊爲王章揭拔國本西羌種居悉立西南四山中後
徙山西與東天竺接衣服畧相類因附之地表八九百
里勝兵二千人無城郭好鈔暴商旅患之貞觀二十年

其王因悉立國遣使入朝玄策之討中天竺發兵來赴
有功由是職貢不絕悉立當吐番西南戶五萬城邑多
傍澗谿男子繪束頭衣氍褐婦人辮髮短裙婚姻不以
財聘其穀宜秔稻麥豆死者葬于野不封樹喪制爲黑
衣滿年而除刑有別鼻常羈屬吐番

唐元奘使西域記出高昌故地自近者始曰焉耆
國國四面據山道險易守泉流交帶文字取則印
度貨用金銀錢小銅錢伽藍十餘所習學小乘從
此西南行九百餘里至龜茲國國東西千餘里南
北六百餘里伽藍百餘所僧徒三千餘人習學小
乘城北四十里臨河有二伽藍佛像莊飾始越人
工五年建一大會輦載行像動以千數道俗雲集
供養從此西行六百餘里經小沙磧至姑墨國西

北行三百餘里度石磧至凌山山谷積雪春夏結
冰逾山四百餘里至大清地周千餘里東西長南
北狹清地西北行五百餘里至素葉水城諸國商
胡雜居素葉已西數十孤城各立長然皆役屬
突厥素葉西行四百餘里至千泉千泉者地方二
百餘里南面雪山三垂平陸突厥可汗每來避暑
西行百五十里至咄羅私城又西南得二百餘里
至白水城西行二百餘里至恭御城從此南
行四五十里至赤建國城周千餘里沃壤備稼
穡盛花果多葡萄城邑百數城邑君長雖則畫野
區分總稱赤建國從此西行二百餘里至赭時
國唐言石國也國周千餘里西臨葉河東西狹南
北長土宜氣宇如赤建國城邑數十既無總主役
屬突厥從此東南千餘里至怖捍國國周四千餘
里膏腴多稼宜羊馬氣寒俗剛貌弊語異無大君
長從此西行千餘里至宰堵利瑟那國國周千四
五百里東臨葉河葉河出蔥嶺北原西北流浩汗
濁急土宜風俗同石國自有王附突厥從此西北

入大沙磧望大山尋遺骨以知所指行五百餘里
至颯秣建國唐言康國也國周千六七百里東西
長南北狹地險而沃多善馬凡諸胡國此為其中
寶貨所聚伎巧特工風俗猛烈兵馬強盛從此東
南至彌秣賀國唐言米國也國周四百餘里據川
中東西狹南北長從此始至曹國又西行三百餘
里至何國又西二百餘里至東安國又西四百餘
里至中安國又西四百餘里至東安國又西南五
百餘里至貨利息彌伽國又南行三百餘里至史
國土言羯霜那國也凡米曹何史安諸國風俗并
同康國自素葉水城至此地名宰利人亦謂焉從
史國西南行二百餘里入山崎嶇險絕又少水草
東南山行三百餘里入鐵門鐵門者左右帶山狹
徑險阻兩傍石壁其色如鐵門扉鐵錮以險得名
出鐵門至覲貨羅國其地南北千餘里東西三千
餘里東扼蔥嶺西接波斯南距大雪山北據鐵
門縛芻大河中境西流自數百年王族絕嗣酋豪
各擅分爲三十七國雖畫野區分總役屬突厥此

境已南冬春零雨並多溫疾志怯貌陋不甚欺詐
字源二十五言書以橫讀自左而右文記漸多逾
廣率利順縛芻河北下流至叵密國又東至亦鄂
行那國忽露靡國愉漫國鑊河國珂咄羅國拘謎
陀國此皆自西而東拘謎陀國據大蔥嶺之中西
南鄰縛芻河渡河至達摩悉鐵諦國鉢鐸創那國
淫薄健國屈浪拏國泗摩達羅國鉢利曷國訖栗
瑟摩國曷羅胡國阿利尼國骨健國自活國東南
至闍悉多國安叵羅縛國事在回記活國西南至
縛伽浪國又南至紇露悉泯建國又西北至忽憐
國又西至縛喝國乃覲賀羅國之王都也北臨縛
芻河人皆謂之小王舍城伽藍百餘所僧徒三千
餘人皆習小乘城外西南有新伽藍此國先王所
建莊嚴珍寶中有佛牙佛鐘佛等伽藍西南有一
精廬各僧所聚多證四果諸宰堵波建立數百從
都城西南入雪山阿至銳秣陀國胡實健國叵刺
健國此國西接波斯國界南行百餘里至揭職
國以上諸小國數十並覲賀羅境內之部落東南

入大雪山山高谷深盛夏積雪山魅妖崇寇盜橫
行行六百餘里始出覲賀羅境至梵衍那國其覲
賀羅國之與北印度以大雪山為界北以鐵門為
界梵衍那國者在雪山中東西二千餘里南北三
百餘里都城跨厓據谷少花果宜牧畜氣冽俗獷
信三寶特甚鄰國東南行二百餘里度大雪山
東至小川澤有僧伽藍藏佛齒及劫初獨覺佛齒
金輪王齒羅漢鐵鉢從此東行出雪山踰黑嶺至
迦畢試國國周四千餘里北背雪山三垂黑嶺都
城西北距大雪山二百餘里出善馬鬱金香異方
奇貨所聚風氣同覲賀羅國王利利種也統十餘
國敬崇三寶王城西北大河南岸舊伽藍內有釋
迦弱齡齒齒有如來頂骨及髮率堵波中有舍利
升餘從此東行六百餘里越黑嶺入北印度境詳
夫天竺之稱或云身毒或云賢豆今從正音宜云
印度五印度境周九萬里逕三萬里三垂大海北
背雪山北廣南狹形如半月畫野區分七十餘國
北乃山阜隱軫東則川原膏沃南方暑溼西土磽

海國圖志 卷二十九 西南洋 五印度總沿革 五

確其文字梵天所製四十七言隨事轉用童蒙七
 歲以後漸學五明大論一聲明二巧明三醫方明
 四固明五內明其婆羅門學四毗陀論一壽二祠
 三平四術僧徒宣講佛經一部乃免僧知事二部
 加上房資具三部差侍者祇承四部給淨人役使
 五部則行乘象輿六部又導從周衛考其優劣黜
 陟幽明其義負者擯斥不齒族姓有四一婆羅門
 種二利利王種三毘舍商賈種四首陀農種兵伍
 有四步馬車象刑罰有四水火稱毒種王田者六
 稅其一田稅所出犬分爲四一充祭祀二供官祿
 三賞總學四樹福田珍奇雜寶出自海隅易以求
 貨所用貿易金錢銀錢貝珠小珠印度風壤大畧
 斯在迦畢試國北印度之北境也所屬有濫波國
 氣序漸溫微霜無雪許弱輕躁衣多白氈從此東
 南行百餘里踰大嶺濟大河至那揭羅曷國有如
 來影窟如來足跡如來澗衣石及錫杖頂骨凡諸
 聖蹟多有靈異從此東南山谷中五百餘里至
 健馱羅國東臨信度河溫暑無霜雪自昔無著著

薩世親菩薩脇尊者等所生處也迦膩色迦王所
 建率堵波基周里半高四百尺名聞諸國行五十
 里渡大河至布色羯羅伐底城東西二百餘里至
 跋虜沙城又東南百五十里至烏鐸迦漢茶城南
 臨信渡河諸方寶貨多集于此復北踰山涉川六
 百餘里至烏仗那國國周六千餘里俗閑禁咒多
 學大乘有膏揭釐城如來在昔爲忍辱仙及爲菩
 薩修苦行舍身求偈舍身代鴿析骨寫經皆在此
 地從昔揭釐城東北踰山越谷逆上信度河行千
 餘里至達麗羅川即烏仗那國舊都也復逾嶺越
 谷逆上信度河五百餘里至鉢露羅國周四千餘
 里在大雪山間東西長南北狹氣寒俗獷從此復
 還烏鐸迦漢茶城南渡信度河廣三四里西南
 流澄清皎鏡度河至坦父始羅國以上諸國並屬
 役畢試國皆北印度之北境
 北印度以迦溼彌羅國最大諸七國皆屬焉坦父
 始羅國舊屬迦溼彌羅國近亦附庸于迦溼彌羅國
 從此國東南越山谷七百餘里至僧訶補羅國國

海國圖志卷二十九 西南洋 五印度總沿革 六

周三千餘里西臨信度河都城險固氣序寒俗驍
猛無君長役屬迦涇彌羅國從此復還坦又始羅
國北界度信度河東南行二百餘里度大石門復
東南山行五百餘里至烏刺尸國國周二千餘里
山阜連接田疇狹隘氣序溫和微有霜雪屬役迦
涇彌羅國僧習大乘法教從此東南履山險度鐵
橋行千餘里至迦涇彌羅國舊罽賓也國周七千
餘里四境負山門徑險隘自古鄰敵無能攻伐城
西臨大河氣序寒勁多雪少風衣皆白氍容貌妍
美邪正皆信僧徒五千有如來沒一百年後無憂
王所建五百僧伽藍有如來四百年後迦颯色迦
王請集五百羅漢作毘婆沙論之所從此西南踰
山涉險行七百餘里至半笈蹉國國周二千餘里
山川多疇隴狹氣溫暑俗勇烈無大君長屬役迦
涇彌羅國從此東南四百餘里至葛羅閣補羅國
國周四千餘里險固多山地利不豐人性驍勇役
屬迦釋彌羅國自濫彼國至此粗鄙獷暴非印度
之正境乃邊裔之曲俗從此東南下山渡水行七

百餘里至磔迦國國周萬餘里東據毘播奢河西
臨信度河風俗暴急衣服鮮白少信佛法多事天
神數百年前有大族王滅法逐僧其鄰境摩揭陀
國幻日王雅敬佛法大族王治兵攻之幻日王不
忍門其民逃竄海島從者數萬大族王浮海往伐
幻日王扼險誘戰伏兵四起生擒大族王封以
憐而赦之大族王北投迦涇彌羅國其國王封以
土邑久乃率其邑人殺迦涇彌羅王而自立西滅
健馱羅國毀廢塔寺千有六百以三億上族三億
中族臨信度河殺之三億下族分賜軍士尋即殂
落隨無閒獄從此東行五百餘里至那僕底國國
周二千餘里氣序溫暑風俗怯弱都城東南行五
百餘里有過去四佛座及經行遺蹟小宰堵波諸
大石室鱗次相望並是劫初以來諸果聖人於此
寂滅從此東西百四十五里至閻爛達羅國氣溫
俗剛貌鄙土富又東北踰嶺谷七百餘里至屈露
多國國周三千餘里鄰雪山多珍藥氣序逾寒霜
雪微降人貌粗犷高尚勇猛巖多石室並羅漢仙

人所止從此南行七百里越大山濟大河至設多
圖盧國國周二千餘里西臨大河稼穡殷盛服用
鮮綺氣暑俗和敦信佛法已上并北印度境
從此西南行八百餘里至波理夜但羅國始入中
印度境國周三千餘里有稻六十日而獲多牛羊
少花果氣暑熱俗剛猛不尚學藝信奉外道從此
南行五百餘里至秣菟羅國國周五千餘里氣暑
土沃崇德尚學過去四佛遺跡甚多諸聖弟遺身
宰堵波具在每歲三長及月六齋僧徒各隨所宗
而致供養香雲花雨幡蓋蔽蔽從此東北行五百
餘里至薩他泥溼伐羅國國周七千餘里溫暑宜
稼俗奢尚幻術逐利少農諸方奇貨所聚都城周
二百里內土人謂為福地從此東北行四百餘里
至窣祿勤那國國周六千餘里東臨菟伽河北背
大山閭牟那河中國境而流有如來舍利爪髮諸窣
堵波近世國王為諸外道所誑誤信受邪法捐廢
正見從閭牟那河東行八百餘里至菟伽河河源
廣三四里東南流入海處廣十餘里彼土書記謂

之福水渡河東岸至秣底補羅國國周六千餘里
俗稠咒術兼信邪正王敬天神異道雜居從此北
行三百餘里至婆羅吸摩補羅此一國又涉入北
印度境據大山中周四千餘里此國境北大雪山
中有國產上黃金東西長南北狹即東女國世以
女為王東接土番國北接于闐國西接三波訶國
從未底補羅東南行四百餘里至瞿毘霜那國復
入中印度境國周二千餘里都城險峻俗淳好佛
習學小乘如來在昔于此一月說諸法要從此東
南行四百餘里至亞醯擊咀羅國國周三千餘里
如來昔為龍王七日于此說法自此南行二百六
七十里度苑伽河西至毗羅刪拏國又東南行
二百餘里至劫比他國有如來自切利天降下寶
階聖迹垣內靈異相繼從西北行二百里至曲女
城國國周四千餘里都城西北行二百里至曲女
所聚居人富樂僧徒萬有餘人先王為東印度設
賞迦王所害今戒日王以弟嗣立誓報兄讐講習
戰士象軍五千馬軍二萬步軍五萬自西徂東征

伐不服象不解鞍人不釋甲於六年中據五印度
 更增甲兵象軍六萬馬軍十萬垂三十年兵戈不
 起令五印度不得啖肉若斷生命有誅無赦于苑
 伽河側建立數千宰堵波各高百餘尺于五印度
 建立精廬五歲一設無遮大會傾庫布施惟除兵
 器聞大唐國沙門遠至問曰聞摩訶震旦有秦王
 天子平定海內作秦王破陣樂誠有之乎元奘具
 對大唐功德戒日王將還曲女城設法會從數十
 萬眾在河南岸拘摩羅王從數萬眾在河北岸分
 河中流水陸並進二王導引四兵嚴衛經九十日
 至曲女城諸國二十餘里皆來集會時仲春月也
 王先于河西建大伽藍東起寶臺南起寶壇為浴
 佛像之處由行宮至伽藍夾道為閣雅樂迭奏王
 于行宮出一金像載以大象張以寶幟戒日王為
 帝釋左侍揚摩羅王為梵王右侍各五百象軍披
 鎧周衛王以真珠雜寶及金銀諸花隨步四散供
 養三寶香水浴佛以諸寶衣數十百千而為供養
 及至散日伽藍門樓忽然火起戒日王深悟無常

從宰堵波方下階陛忽有異人持刃逆王左右執
 訊之受外道之誘使為刺客于是究問外道徒屬
 有五百婆羅門嫉諸沙門蒙王供養乃火箭燒臺
 雇人行刺王乃罰其首惡五百婆羅門出印度境
 自此東南行六百餘里渡苑伽河南至阿踰陀國
 國周五千餘里都城北臨苑伽河有世親無著菩薩
 講堂及如來舍利諸蹟從此東行三百餘里渡苑
 伽河北至阿耶穆左國國周二千四百餘里城東
 南臨苑伽河有宰堵波如來昔於此處三月說法
 從此東南行六百餘里渡苑伽河南閭牟那河北
 至鉢羅那伽國國周五千餘里都城據兩河交土
 地爽塏細沙彌漫號大施場今戒日王五年積財
 一旦傾舍初第一日置大佛像眾室莊嚴即持上
 妙奇珍而以奉施次常住僧次現前眾次高才碩
 學次外道學徒次鰥寡孤獨貧乞丐府庫既傾
 服玩都盡髻中明珠身諸瓔珞施無所悔自後諸
 國君王各獻珍服常不逾旬府庫充物從此西南
 行五百餘里至拘睢彌國國周六千餘里城西南

有如來降毒龍石窟又東北大林中行七百餘里
渡苑伽河復北行百七十里至鞞索迦國國周
四千餘里如來常昔于此地六年說法道樹猶在
從此東北行五百餘里至室羅伐悉底國即舍衛
國也即波斯匿王所治國都國周六千餘里城中
有須達長者故宅城南五六里有祇陀林是給孤
獨園凡如來經行之迹說法之處並樹旌表建宰
堵波冥祇警衛靈瑞間起或鼓天樂或聞神香景
福之祥難備敘有三深坑是諸外道及捏婆
達多謗佛害佛生陷地獄之處又東南行五百餘
里至迦毘羅衛國空城數十荒蕪已甚宮城內有
故基淨飯王正殿也上建精舍中作王像有摩耶
夫人寢殿城南門外有釋迦太子出家修行還家
見父及至湟槃諸蹟自佛湟槃諸部異議或云千
二百年或云千三百餘年或云千五百餘年或云
已過九百或云未滿千年其入般湟槃日或云當
在三月十五或云當在九月八日復大林中行五
百餘里至波羅奈國國周四千餘里城西臨苑伽

河間閻櫛比居人殷盛寶貨充溢俗重強學多信
外道有佛盥浴器浣衣三池並有龍護從此順苑
伽河東行三百餘里至戰主國國周二千餘里城
臨苑伽河渡河東北百五十里至毘舍離國國周
五千餘里都城傾圮僧徒寡少異道雜居如來昔
于此說維摩詰經有長者現疾說法之處城東南
行百五十里有僧伽藍並學大乘此東北行五百
餘里至弗栗恃國國周四千餘里西距河濱東西
長南北狹土沃氣寒外道多于僧眾從此西北行
千四五百里踰山入谷至尼波羅國國周四千餘
里宜穀稼多花果出入赤銅犂牛共命鳥貨用赤銅
錢氣冽俗獷邪正兼信從此復還毗舍離國南渡
苑伽河至摩竭陀國國周五千餘里土地溼熱邑
居高原僧徒萬餘宗習大乘苑伽河南有故地獄
城惟存基址有石柱高數十丈是無憂王作地獄
處又有所藏舍利王宰堵波及諸羅漢石室城西
南隅二百餘里有宰堵波是過去四佛座及經行
遺跡之所又西南行二百里有大山雲石幽蔚是

佛入定處又西南行四五千里渡泥連禪河至迦耶山溪谷杳冥峯巖危險印度國俗稱曰靈山前代之君莫不登封而告成功如來於此演說寶雲等經東渡大河至前正覺山如來於此入金剛定而成正覺其下有金剛座若座餘處地輒震動山亦傾陷正門東闢對尼連禪河金剛座者劫初與大地俱起據三千大千世界之中下極金輪上侵地際金剛所成周百餘步賢劫千佛座之而入金剛定大地地震動獨無傾搖今有菩提樹表其處自菩提樹南十餘里聖迹相鄰難以備舉每歲苾芻解雨安居四方浴七日七夜香華鼓樂徧遊林中禮拜供養菩提樹東度尼連禪河入大林野行百餘里至雞足山峻起三峯是尊者大迦葉傳衣入定之所又有上茅宮城摩揭陀國之正中也崇山四周百五十餘里故城周三十餘里城東北十四五里至鷲峯即耆闍窟山也如來御世五十年多居此山廣說妙法毘婆羅王自麓至峯編石為級廣十餘步長五六里中路有二小窠堵波王至

此下乘徒行以進精舍旁有大石是提婆達多遙擲擊佛處其南崖下佛說法華經處山西南陰昔五百溫泉今惟數十猶有冷有煖未盡溫也南山之陰大竹林中有大石室如來涅槃後迦葉與一千大阿羅漢結集三藏處竹林精舍旁入功德水今亦枯涸西北行三二里至王舍城外郭已毀內基尚存周二千餘里毗婆羅王自上茆宮遷都于此外伽藍最居福地為五印度之所宗仰從此東行入大山林中三百餘里至伊爛拏鉢伐多國國東行三百餘里城北臨波國周四千餘里城北皆殞伽河自此東行四百餘里伽河行六百餘里至那伐潭那國周四千餘里大河至迦摩縷波國始入自此東行九百餘里土地泉溼多果宜稼貌鰲俗猶多事天神異道數萬故自佛興至今尚未建立伽藍其有淨俗之徒潛念而已王本婆羅門種

雖不消信佛法然敬高學沙門聞有支那國僧遠
 至摩竭陀國殷勤來請元奘以宏法為心遂與使
 偕往陽摩羅王亦問秦王破陣之樂為闡揚德化
 王甚欣慕此國之東山阜連接無大國都其境接
 西南夷計兩月行可入蜀西南境然險阻瘴毒行
 旅裹足從此南行千二三百里至三摩坦吒國
 周三千餘里瀕海卑溼色黧性剛邪正兼信城外
 有窄堵波如來昔為諸天人于此說法七日從是
 東北大海濱山谷中有室利差怛羅國次東南大
 海隅有迦摩浪迦國次東有墮羅鉢底國次東有
 伊賞補羅國次東有摩訶瞻波國即林邑國也次
 西南有閻摩那洲國凡此六國山川道阻不入其
 境自三摩恒吒國西行九百餘里耽摩栗底國
 周千五百里瀕海卑溼水陸交會珍寶所聚殷富
 強勇邪正兼信有過去佛蹟自此西北行七百餘
 里至羯羅蘇伐刺那國國周四千五百里風俗如
 前有如來說經法之處西南七百餘里至烏茶國
 國周七千餘里容貌魁梧多信佛法僧徒萬餘習

學大乘諸宰堵波十餘所並是如來說法之處境
 東南臨大海有城堅峻多諸奇貨城外鱗次有五
 伽藍南去僧伽羅國二萬餘里靜夜遙望見彼國
 佛牙宰堵波上寶珠光耀自此西南大林中行千
 二百餘里至恭御陀國國周千餘里瀕海風俗勇
 烈形偉貌鬣崇敬外道城據山海地險兵強威雄
 鄰境從此西南入大荒野深林蔽日千五百里至
 羯陵伽國已上並東印度
 羯陵伽國始入南印度境國周五千里林藪連綿
 動數百里出大青象語言頗同中印度僧多大乘
 外道亦眾自此西北山林中千八百餘里至憍薩
 羅道此國又中印度境王崇佛法僧習大乘國西
 南三百餘里有龍猛菩薩所住伽藍巖谷杳冥莫
 知逕路從此大林中南行九百餘里至案達羅國
 復入南印度境國周三千餘里如來昔于此城側
 大伽藍說法度無量眾從此林野中南行千餘里
 至大安達羅國城東西據山兩山皆有伽藍在正
 法時每歲千僧同入安居多證四果近則山神恐

嚇行人間無僧眾城南大山乃清辨論師住修羅
 宮待見慈氏成佛之所自此西南行千餘里至珠
 利耶國昔亦如來說法之所今則荒蕪多盜從此
 南入林野千五六百里至達羅毘茶國國周六千
 餘里聖蹟甚眾皆建窣堵波僧徒萬餘文字語言
 少異中印度自此南行三千餘里至枳林羅國國
 周五千里有海船所聚人善逐利伽藍故址存者實
 少瀕海有秣刺耶山產龍腦香山東有布咀洛迦
 山山頂有池池側有石天宮觀自在菩薩往來遊
 舍從此入海東南可三千餘里是往南海僧伽羅國唐言師
 從此入海東南可三千餘里是往南海僧伽羅國唐言師
 羅國亦南印度之境也國周七千餘里昔本寶清
 遂有國其王即釋迦佛前生也風俗淳信僧徒
 二萬餘人王宮側有佛牙精舍高數百尺上置鉢
 曇伽山昔如來于此說楞伽經自達羅毗茶國北
 楞伽山昔如來于此說楞伽經自達羅毗茶國北
 入林野中行二千餘里至恭建那補羅國國周五

千餘里僧徒萬餘王宮城側大伽藍有三百僧實
 唯俊彥西北入大林野二千五百里至摩訶刺佉
 國國周六千餘里城西臨大河土沃氣溫形偉性
 傲有怨必復先輒告之各披堅甲然後爭鋒陣
 逐北不殺已降兵將失利無所刑罰賜之衣服感
 激自死國養勇士數百暴象數百臨陣皆令酣飲
 以一摧萬全無堅敵今戒日王東征西伐惟此國
 不賓屢率五印度兵往伐未克人知好學邪正兼
 崇僧五千人佛跡具在自此西行千餘里度耐秣
 陀河至跋祿羯婆國國周二千四百里鹹鹵暑熱
 土俗僥薄從此西北行二千餘里至摩臘婆國即
 南羅羅國也國周六千餘里城據莫訶河東南五
 印度境兩國重學西南摩臘婆國東北摩竭陀國
 僧徒二萬餘多習小乘自此西北行二千四百里
 至阿吒釐國國周六千餘里商賈為業貴財賤德
 縱有信福但事天神從此西南行三百里至契吒
 國國周三千餘里屬役摩臘羅國風俗遂同從此
 北行千餘里至北羅羅國土產風俗並如摩臘羅

遠方奇貨多聚其國積財百億者至百餘室如來
 在世屢游此國至今遺跡相聞僧多小乘已上並
 南印度
 自此西北行七百餘里至阿難陀補羅國始入西
 印度境國周二千餘里屬摩臘婆國土宜風俗
 如之西行五百餘里至蘇刺他國國周四千餘里
 西據莫醯河屬役北羅羅國地當西海孔道八皆
 販海為業城外郁都多山有伽藍仙聖之所游止
 從北羅羅國北行千八百餘里至瞿折羅國國周
 五千餘里土宜風俗同前國俗崇外道王敬佛法
 從此東南二千八百里至鄔閣行那國又北行九
 千餘里至擲枳陀國二國並南印度境又北行九
 百餘里至摩溼伐羅補羅國又涉入中印度境此
 三國並宗外道少信佛法從此還至瞿折羅國復
 北行荒野險磧千有九百里渡信度大河至信度
 國西印度境也信度國周七千餘里宜五穀出金
 銀鑰石宜牛羊獨峯駝產赤白黑鹽人剛烈質直
 好鬪諍深信佛法僧徒萬餘多懈怠其有精勤哲

士閑寂山林多證聖果如來昔頗游此國今有望
 蹟宰堵波數十所從此東行九百餘里渡信度河
 東岸至茂羅三部盧國國周四千餘里屬役磔迦
 國饒沃質直多事天神從此東北行七百餘里至
 鉢伐多國國周五千餘里役屬磔迦國城側大伽
 藍僧皆習大乘天祠二十異道雜居從信度國西
 南行千五六百里至阿點婆翅羅國國周五千餘
 里城臨信渡河鄰大海濱統屬信度國風颺勁烈
 氣序微寒宜牛羊橐駝之屬人暴急不好學敬信
 三寶有如來說法遺跡從此西行二千里至狼揭
 羅國東西南北各數千里無大君長據川自立役
 屬波刺斯國臨大海濱入西女國之路也文字大
 同印度語言少異邪正兼信伽藍天祠各百所自
 此西北至波刺斯非印度之國也周數萬里氣序
 亦溫出全銀鑰石頗賦水精奇珍異寶大錦細褐
 攛瑜之類多善馬駱駝貨用大銀錢語言文字異
 諸國俗躁暴無禮義工伎造作為鄰國所重昏媼
 雜亂齊髮露頂天祠甚多僧徒數百王宮有釋迦

佛鉢西北接佛凜國風土悉同拂凜國西南海島
 有西女國多諸珍寶附拂凜國國王遂遣丈夫往
 配焉此數國並非印度境自阿點婆翅羅國北行
 七百餘里至臂多勢羅國西印度境也國周三千
 餘里役屬信度國沙鹵寒勁獷暴不學惟信佛法
 從此東北行三百餘里至阿牽茶國國周二千五
 百里役屬信度國氣寒性獷信三寶如來昔日
 止此夜寒三衣重覆至明旦開諸苾芻著複衲衣
 從此東北行九百餘里至代刺那國周四十餘里
 役屬迦畢試國風俗獷暴僧多大乘已上並西印
 度
 從此西北踰大山涉廣川歷小城邑二千餘里出
 印度境經歷歸途日漕利國地多霜雪敬佛重僧
 兼崇天祠頗能咒術療疾從此北行五百餘里至
 弗栗恃國國王突厥種深信三寶從此東北逾山
 涉川越畢迦試國邊城小邑凡數十所至大雪山
 婆羅犀那大嶺鑿冰而度三日至巔瞻部洲中斯
 嶺特高又三日下嶺至安咀羅縛國又四百里至

開悉多國又三百里至活國並覩賀羅國故地也
 並屬突厥活國管鐵門已南諸小國遷徙烏居不
 常其邑從此東入蔥嶺蔥嶺者據瞻部洲中南接
 大雪山北至熱池千泉西至活國東至烏鐵國四
 面各數千里嶺厓數百重多出野蔥又山崖蔥翠
 遂以名焉東行百餘里至曹健國又北至阿利尼
 國曷羅胡國訖栗瑟摩國鉢利賀國呬摩達羅國
 鉢鐸創羅國王薄健國屈浪那國達摩悉諦國並
 覩賀羅國故地也並役屬突厥風氣土俗亦同諸
 國多帶縛芻河兩岸達摩悉鐵諦國東西千五百
 里南北廣四五里狹不踰一里臨縛芻河盤紆曲
 折寒風淒烈產馬耐馳陟俗獷貌陋服惟羶褐從
 此出覩賀羅境經尸棄尼國商彌國踰險越阻七
 百餘里至波密羅川東西千餘里南北百餘里狹
 處不踰十里據兩雪山間有大龍池東西三百餘
 里南北五十餘里據大蔥嶺內當瞻部洲中最高
 色青黑味甘美池西派一大流至達摩悉鐵諦國
 東界與縛芻河合而西流也東派一大流東北至

估沙國界與徒多河合而東流故此已右水皆西
流已左水皆東流行五百餘里至竭盤陀國城基
大石嶺背徒多河從此東下蔥嶺行八百餘里方
出蔥嶺至烏鐵國役屬于竭盤陀又東五百餘里
至疏勒國又東五百餘里至沮渠國又東八百餘
里至于闐國

源案法顯惠王西邁並出于闐獨元奘之行良
為可惑既至龜茲即可循天山而西逕疏勒上
蔥嶺矣乃又遶道凌山北出烏孫徧游昭武九
姓諸國而後南至罽賓何為耶夫凌山即冰嶺
也大清地即今伊犁西南之特穆圖泊也康曹
何石史安米等九姓即古之康居大宛月氏今
之哈薩克敖罕布哈爾也並非天竺經由之道
何為紆數千里之程烏呼吾知之矣奘師忘身
求法初以佛教橫被海西安知嶺北遐陬不有
隱淪賢哲周咨博訪跋涉奚辭既知突厥各疆
獷麤無學乃始壹意南馳三載印度翻然歸途
不復北指徑回疏勒直趨于闐昔人有心予揣

度之是
之謂矣

宋史天竺國舊名身毒亦曰摩伽陀復曰婆羅門俗宗
浮圖道不飲酒食肉漢武帝遣使十餘輩問出西南指
求身毒為昆明所閉莫能通至漢明帝夢金人於是遣
使天竺問佛道法由是其教傳於國中梁武帝後魏宣
武皆來貢獻唐貞觀以後朝貢相繼則天授天中五天
竺王并來朝獻乾元末河隴陷沒遂不復至周廣順三
年西天竺僧薩滿多等十六族來貢名馬乾德三年滄
洲僧道圓自西域還得佛舍利一水晶器具葉梵經四

十夾來獻道圓晉天福詣西域在塗十二年住五印度
凡六年五印度即天竺也還經于闐與其使偕至太祖
召問所歷風俗山川道里一一能記四年僧行勸等一
百五十七人詣闕上言願至西域求佛書許之以其所
歷甘沙伊肅等州焉耆龜茲于闐割祿等國又歷布路
沙加溼彌羅等國並詔諭其國令人引導之開寶後天
竺僧持梵夾來獻者不絕八年冬東印度王子穰結說
羅來朝貢天竺之法國王死太子襲位餘子皆出家爲
僧不復居本國有曼殊室利者乃其王子也隨中國僧

至焉太祖令館於相國寺善持律爲都人所傾嚮財施
盈室眾僧頗嫉之以其不解唐言卽僞爲奏求還本國
許之詔旣下曼殊室利始大驚恨眾僧諭以詔旨不得
已遲留數月而後去自言詣南海附賈人船而歸終不
知所適太平興國七年益州僧光遠至自天竺以其王
沒徙曩表來上以釋迦舍利附光遠上進施護者烏埴
曩國人其國屬北印度西行十二日至乾陀羅國又西
行二十日至曩誅羅國又西行十日至嵐婆國又西行
十二日至誅惹曩國又西行至波斯國得西海自北印

海國圖志 卷二十九
度行百二十日，至中印度。中印度西行三程，至呵囉尾國。又西行十二日，至末曩羅國。又西行十二日，至鉢賴野伽國。又西行六十日，至囉拏俱惹國。又西行二十日，至摩羅尾國。又西行二十日，至烏然泥國。又西行二十日，至羅羅國。又西行四十日，至蘇羅茶國。又西行十一日，至西海。自中印度行六月程，至南印度。又西行九十日，至供迦拏國。又西行一月，至西海。自南印度南行六月程，得南海。皆施護之所述云。八年，僧法遇自天竺取經，回至三佛齊。遇天竺僧彌摩羅失黎，附表願至中

國譯經。上優詔召之。法遇後募緣製龍寶蓋，袈裟。將復往天竺，表乞給所經諸國敕書，遂賜三佛齊等國王書以遣之。雍熙中，衛州僧辭澣自西域還，與胡僧密坦羅奉北印度王及金剛坐王那爛陀書來。又有婆羅門僧永世，與波斯外道阿里烟同至京師。永世自云本國名利得國，衣黃衣，戴金冠，以七寶爲飾。出乘象，或肩輿，以音樂螺鈸前導，多遊佛寺，博施貧乏。其妃衣大綢，鏤金紅衣，歲一出，多所振施。人有冤抑，候王及妃出遊，卽迎隨伸訴，署國相四人，庶務並委裁制。五穀六畜果實與

中國無異市易用銅錢有文漫圓徑如中國之制但實
其中心不穿貫耳其國東行經六月至大食國又二月
至西州又三月至夏州阿里烟白云本國王號黑衣用
錦綵爲衣每遊獵三二日一還國署大臣九人治國事
無錢貨以雜物貿易其國東行經六月至婆羅門至道
二年八月有天竺僧隨舶至海岸持帝鐘鈴杵銅鈴各
一佛像一軀貝葉梵書一夾與之語不能曉天聖景祐
中西印度僧屢獻梵經佛骨及銅牙菩薩像各賜紫方
袍束帛

范成大吳船錄曰乾德二年詔沙門三百人入天
竺求舍利及貝多葉書有繼業三藏姓王氏耀州
人預遣中至開寶九年始歸寺所藏涅槃經一函
四十二卷業於每卷後分記西域行程雖不甚詳
然地里大略可考世所罕見錄于此以備國史之
闕業自階州出塞西行由靈武西梁甘肅瓜沙等
州入伊吳高昌焉耆于闐疏勒大石諸國度雪嶺
至布路州國又度大蔥嶺雪山至伽涇彌羅國西
登大山有薩埵太子投崖飼虎處遂至健陀羅國
謂之中印土又西至庶流波國及左欄陀羅國國
有二寺又西過四大國至大曲女城南臨酒牟河
北背洹河塔廟甚多而無僧尼又西二程有寶階
故基又西至波羅奈國兩城相距五里南臨洹河
又西北十許里至鹿野苑塔廟佛跡最夥業自云
別有傳記今不傳矣南行十里渡恒河河南有大
浮屠野自鹿苑西至摩揭提國館於漢寺寺多租
入八分隸焉僧徒往來如歸南與杖陵山相直魏
峯巋然山北有優波掬多石室及塔廟故基西南

海國圖志 卷二十九
百里孤山名雞足三峯云是迦葉入定處又西北
百里有菩提寶座城四門相望金剛座其中東向
又東至尼連禪州東岸有石柱記佛舊事自菩提
座東南五里至佛苦行處又西三里至三迦葉村
及牧牛女池金剛座之北門外有師子國伽藍又
北五里至伽耶城又北十里至伽耶山云是佛說
寶雲經處又自金剛座東北十五里至正覺山又
東北三十里至骨磨城業館于鰕羅寺謂之南印
土諸國僧多居之又東北四十里至王舍城東南
五里有降醉象塔又東北登大山細路盤紆有舍
利子塔又臨澗有馬下迎風塔度絕壑登山頂大
塔廟云是七佛說法處山北平地又有舍利本生
塔其北山半日鷲峯云是佛說法華經處山下即
王舍城城北山趾有溫泉二十餘井又北有大寺
及伽藍陁竹園故跡又東有阿難半身舍利塔溫
湯之西有平地直南登山腹有畢鉢羅窟業止其
中誦經百日而去窟西復有阿難證果塔此去新
王舍城八里日往乞食會新王舍城中有蘭若隸

漢寺又有樹提迦故宅城其西有輪王塔又北十
五里又那爛隨寺寺之南北各有數十寺門皆西
向其北有四佛座又東北十五里至烏顛頭寺東
南五里有聖觀自在像又東北十里至伽溼彌羅
寺寺南距漢寺八里許自漢寺東行十二里至御
提希山又東七里有鴿寺西北五十里有支那
西寺古漢寺也西北百里至花氏城育王故都也
自此渡河北至毗耶離城有維摩方丈故跡又至
拘尸那城及多羅聚落踰大山數重至泥波羅國
又至磨逾里過雪嶺至三耶寺由故道自此入階
州

元史郭侃傳壬子從宋王旭烈兀西征癸丑至木乃奚
其國塹道置毒水中侃破其兵五萬下一百二十八城
斬其將忽都花爾兀朱算灘算灘華言王也丙辰至乞

海國圖志 卷二十一
都卜其城在檐定山上懸梯上下守以精兵悍卒乃築
夾城圍之莫能克侃架礮攻之守將卜者納失兒開降
旭烈兀遣往說兀魯兀乃算灘來降其父阿力據西城
侃攻破之走據東城復攻破殺之丁巳正月至兀里兒
城伏兵下令聞鉦聲則起敵兵果來伏發盡殺之海牙
算灘降又西至阿刺汀破其游兵三萬馮授營爾算灘
降至乞石迷部忽里算灘降又至報達部此西戎大國
地方八千里父子相傳四十二世勝兵數十萬侃兵至
破其兵七萬屠其西城又破東城東城殿宇皆搆以沉

檀木舉火焚之香聞百里得七十二弦琵琶五尺珊瑚
燈檠兩城間有大河侃預造浮梁以防其遁城破合法
里算灘登舟觀河有浮梁扼之乃自縛詣軍門降其將
紂答爾遁去侃追之至暮諸軍欲頓舍不聽又行十餘
里乃止夜暴雨元所欲舍處水深數尺明日獲紂答爾
斬之拔三百餘城又西行三千里至天房其將住石致
書請降左右以住石之請爲信然易之不爲備侃曰欺
敵者亡軍機多詐若中彼計耻莫大焉乃嚴備以待住
石果邀我師侃與戰大敗之巴爾算灘降下其城一百

海國圖志 卷二十九
八十五、又西行四千里至密昔爾國，會日暮已休，復驅兵起，畱數病卒，西行十餘里，頓下令軍中銜枚轉前，敵不知也。潛兵夜來，襲殺病卒，刃乃算灘大驚曰：東天將軍神人也。遂降。八年戊午，旭烈兀命侃西渡海，收富浪，諭以禍福。兀都算灘曰：吾昨所夢神人，乃將軍也。即來降。案此取地中海一島國，非即至歐羅巴州也。師還西南，至石羅子國，敵人來拒，以奇兵掩擊，大敗之。加葉算灘降。己未，破兀林游兵四萬。阿必丁算灘大懼來降，得城一百二十四。南至乞里灣，忽都馬丁算灘來降，西域平。

元劉郁西使記

憲宗皇帝二年壬子，命皇弟旭烈統諸軍西征。案旭

烈即錫喇，一作錫里庫。凡六年，拓境幾萬里。十年己未正月

甲子，常德字江卿駝驛西觀，自和林出，兀孫中，西北

行二百餘里，地漸高，入站經瀚海，地極高寒，雖酷

暑，雪不消，山石皆松文。西南七日過瀚海，行三百

里，地漸下。案地高漸下者，過阿爾泰山也。有河闊數里，日昏木輦

夏漲，以舟楫濟，數日過龍骨河。即烏龍古河，在科布多西南五百里。

復西北行，與別失八里南路相直。案元時天山南路，日別失八里

治今烏魯木齊近五百里多漢民有麥黍穀河西注瀦爲海約千餘里曰乞則里八寺即烏龍古河所西瀦之赫薩爾巴什泊也乞則里八寺即赫薩爾巴什譯音相近多魚可食有碾磴亦以水激之行漸西有城曰業滿又西南行過孛羅城所種皆麥稻山多柏不能株駱石而長城居肆園間錯土屋窗戶皆琉璃城北有海鐵山風出往往吹行人墮海中西南行二十里有關曰鐵木爾懺察守關者皆漢民關徑崎嶇似棧道出關至阿里麻里城市井皆流水交貫有諸果唯瓜葡萄石榴最佳

回紇與漢民同居其俗漸染頗似中國又南有赤木兒城居民多并汾人案阿里麻里即伊犁城也孛羅城北之海即伊犁東地太祖時所已服者入版圖二十餘年故有漢民并汾民商販其中有獸似虎毛厚金色無文善傷人有蟲如蛛毒中人則煩渴飲水立死惟過醉葡萄酒吐則解有嗜酒孛羅城迤西金銀銅爲錢有文而無孔方今回疆普爾錢尙其遺制至麻阿中以馬捧拖床遞鋪負重行疾或曰乞里乞西易馬以犬二月二十四日過亦堵兩山間土平民夥溝洫曠帶多故壘壞垣

問之蓋契丹故居也

此契丹乃西契丹也遼之後裔率眾西據回部地踰蔥嶺

數千里太祖滅乃蠻執太陽汗其子屈突律奔西契丹旋襲篡其位又十餘年太祖征西域滅之此其故土長春西遊記所云田疇桑麻異計其地去于漠北者在伊犁西境尚未踰蔥嶺也

和林五千里而近有河曰亦運流洶洶東注土人

云此黃河源也

此蔥嶺東喀什噶爾河之源也

二十八日過塔刺

寺

今塔刺斯河也

三月一日過賽藍城有浮圖諸回紇祈

拜之所

明史賽蘭在塔失干之東今塔失干城在錫林河之北元時西域往反必由之路

三日過別石蘭諸回紇貿易如上巳節四日過忽

牽河渡船如弓鞋然

忽牽河即霍闡河之音轉今敖罕境內之納林源

人云河源出南大山地多產玉疑為崑崙山

案蔥嶺本

崑崙元人已在此語

以西多龜蛇行相雜郵亭客舍甃如浴

室門戶皆以琉璃飾之民賦歲止輸金錢十文然

案元太祖本紀十六年親征回回克尋思

貧富有差八日過樽思千城

千城長春西游記見太祖于邪迷思千城即此也即今賽馬爾罕城在敖罕境為蔥嶺以西扼要之地元太祖駐軍之所故知

以上皆太祖時已服之國城大而民繁時羣花正開唯梨花薔薇玫瑰如中國餘多不能名城之西

所植皆葡萄粳稻有麥亦秋種滿地產藥十數種

皆中國所無藥物療病甚效十四日過暗布河

元史

或作暗布河，或作阿布河，又作阿母河，元秘史作阿梅河，長春西游記作阿母河，即佛經之縛芻大河，源出蔥嶺大龍池，西注裏海者也。元初置阿母河元帥府，領蔥嶺以西各國。夏不雨，秋則雨，溉田以水，地多蝗，有鳥飛食之。十九日過里丑城，其地有桑棗，征西奧魯屯駐於此。二十六日過馬蘭城，又過納商城，草皆苜蓿，籓籬以栢，二十九日過帶埽爾城，滿山皆鹽，如水晶狀，近西南六七里，長春西游記，踰鐵門東南行，山根有鹽泉流出，見日即成白鹽，又東南經分水嶺，西望高澗若冰，皆鹽以上皆太祖時舊得之部落。新得國曰木乃奚，牛皆駝峯黑色，地無水，土人隔山嶺鑿井，相沿數十里下通。

流以溉田，所屬山城三百六十，已而皆下。案此國在蔥嶺

西地中海之東，以四洲地里志考之，言都魯機滅包社而蒙古又滅都魯機，則此為都魯幾無疑。在布哈爾愛烏罕之西境，疑明史所稱哈烈也，或曰哈烈即愛烏罕。惟檐定西一山

城名乞都布，孤峯峻絕，不能矢石。六年丙辰，王師至城下，城絕高險，仰視之，帽為墜，諸道並進，敵大驚，令其相臣大赭約失兒來納款，已而兀魯兀乃

算灘出降，算灘猶國王也。源案算灘為西域國王之稱，元史作算端明史

作鎖魯檀，本朝官書作蘇勒坦，亦或速魯檀，又葛雷巴稱其王曰巡欄，其實皆一音之轉也。又痕都斯坦四字，痕都國名，斯坦即國王也。西洋地圖蔥嶺西各國，或作土丹，或作土單，音凡數譯，字皆一

義其父領兵據山城，令其子取之，七日而陷，金玉寶貨甚多，一帶有值銀千笏者。其國兵皆刺客，俗見男子勇壯者，利誘之，令手刃父兄，然後充兵。醉酒扶入窟室，娛以音樂，美女縱其欲，數日復置。故處既醒，問其所見，教之能為刺客，死則享福如此。因授以經咒，日誦，蓋使盡其心志，死無悔也。潛令使未服之國，必刺其主而後已。雖婦人亦然。木乃奚在西域中，最為凶悍，威脅鄰國四十餘年。王師既克，誅之無遺類。案唐書大食本波斯地，有禮堂容數千人，每七日王高坐為下。

說曰：死敵者生天上，殺敵授福，故俗勇于鬪。又言有白衣大食，黑衣大食，分二國，即今白帽回黑帽也。四月六日過訖立兒城，所產蛇皆四跗，長五尺餘，首黑身黃，皮如鯊魚，口吐紫豔，過阿刺丁城，人被髮，率以紅帕勒首，衣青如鬼然。此即古之黑王衣大食也。王師自入西域，降者幾三十國，有佛國名乞石迷西，在印毒西北，蓋傳釋迦氏衣鉢者，其人儀狀甚古，如世所繪達摩像，不茹葷酒，日啖糲一合，所談皆佛法，禪定至暮方語。案乞石米西，即今克什米爾，即北印度也。在溫都斯坦之西北，故曰在印度西北。此時北印度尚未改回教。七年丁巳

海國圖志 卷二十九
歲取報達國南北二千國其王曰舍法里其城有
東西城中有大河西城無壁壘東城固之以巽繪
其上甚盛王師至城下一交戰破勝兵四十餘萬
西城既陷盡屠其民尋圍東城六日而破死者以
數十萬合法里以舸走獲焉其國俗富庶爲西域
冠宮殿皆以沈檀烏木降真爲之壁皆黑白玉爲
之金珠珍貝不可勝計其后妃皆漢人所產大珠
曰太歲彈蘭石瑟瑟金剛鑽之類帶有值千金者
其國六百餘年傳四十主至合法里而亡人物頗

秀於諸國所產馬名脫必察后法里不悅酒以橙
漿和糖爲飲琵琶三十六絃初合法里患頭痛醫
不能治一伶人作新琵琶七十二絃聽之立解土
人相傳報達諸胡之祖故諸胡皆臣服案報達卽
今包社亦
作巴社乃白頭回也穆罕
默德會都此故亦云祖國報達之西馬行二十日
有天房內有天使神胡之祖葬所也師名癖顏八
兒房中懸鐵絙以手捫之誠可及不誠者竟不得
捫經文甚多皆癖顏八兒所作轄大城數十其民
富貴案此真回教祖國亦名天方亦名墨克其造
經之祖曰派罕巴爾此作癖顏八兒蓋譯音

不同華言天使也。然則天方即天房，其國在包社之西。漢安息國，即報達也。條支國，即天方也。此役為專征回國，故既平天方，始旋師。服印度，蓋自太祖先平蔥嶺，西東諸回國，憲宗乃復平蔥嶺西南諸回國也。西有密昔爾國，尤富，地產金，夜視有光處，誌之以灰，翼日發之，有大如棗者，至報達六千餘里。國西即海，海西有富浪國，婦人衣冠如世所畫菩薩狀，男子胡服，皆好善，寢不去衣，雖夫婦亦異處。有大鳥，駝蹄蒼色，鼓翅而行，高丈餘，食火，其如升餘。案密昔爾，即拂林國，其西富浪，則地中海北島夷也。駝蹄大鳥，即漢書安息所產大馬，其石羅子國出珍珠，其王名奧思阿塔卑，其西南海

也。採珠盛以草囊，止露兩手，腰絙石，墜入海取蚌，並泥沙貯于囊中，遇惡蟲，以醋噴之，即去。既得蚌，滿囊，臧絙舟人引出之，往往有死。案石羅子國，見元史郭侃傳，以下乃六年以後，班師回東，便道攻取各國，大抵皆屬中印度也。印毒國去中國最近，軍民一千二百萬戶，所出細藥大胡桃珠寶烏木雞舌賓舌賓鐵諸物，國中懸大鐘，有訴者擊之，司鐘者紀其事，及時王官亦紀其名，以防奸欺。民居以蒲為屋，夏大熱，人處水中。九年己未歲七月，兀林國阿早算灘來降，城大小一百二十，民一百

七十萬山產銀黑契丹國名乞里彎王名忽教馬
丁算灘聞王大賢亦來降其拔里寺大城獅子雄
者鬃尾如纓拂傷人吼則聲從腹中出馬聞怖溺
血狼有鬃孔雀如中國畫者惟尾在翅內每日中
振羽香猫似土豹糞溺皆香如麝鸚鵡多五色風
駝急使乘之日可千里珊瑚出西南海取以鐵網
高有至三尺者蘭赤生西南海山石中有五色鴨
思價最高金剛鑽出印毒以肉投大澗底飛鳥食
其肉糞中得之撒巴爾出西海中蓋瑋瑋之遺精

蛟魚食之吐出年深結成價如金其假者即犀牛
糞為之也骨篤犀大蛇之角也解諸毒龍種馬出
西海中有鱗角牝馬有駒不敢同牧被引入海中
復出皂雕一產三卵內一產生犬灰色而毛短隨
母影而走所逐擒無不獲者壠種羊出西海以羊
臍種土中漑以水聞雷而生臍系地中及長驚以
木臍斷便行嚙草至秋可食臍肉復有種案羊臍
事亦見
唐書西域
傳拂菻國文一胡婦解馬語即知吉凶甚驗其怪
異等事不可殫記往返十四月郁款曰西域之開

始自張騫其土地山川固在也然世代浸遠國號變易事亦難考今之所謂瀚海即古金山也印毒即漢身毒也曰駝鳥者即安息所產大馬爵也密昔爾即唐拂菻地也案拂菻即在條支之西不渡海唐書乃以拂菻即隔海之大秦誤也密昔爾今為如德亞國近利未亞州觀其土產風俗可知已又唐書載拂菻去京師四萬里在西海上所產珍異之物與今日地里正同蓋無疑也中統四年三月

劉郁記

四庫書目曰西使記元劉郁撰郁真定人是書記常德西使皇弟錫里庫軍軍中返道途之所見王

博嘗載入玉堂雜記中此蓋別行之本也元史憲宗紀二年壬子秋遣錫喇征西域蘇丹諸國是歲錫喇薨三年癸丑夏六月命諸王錫里庫及烏蘭哈達帥師征西域法勒噶巴哈台等國八年戊午錫里庫討回法噶巴平之擒其王遣使來獻捷考世系表睿宗十一子次六曰錫里庫而諸王中別無錫喇郭侃傳侃王子從錫里庫西行與此記所云王子歲皇弟錫喇統諸軍奉詔西征凡六年拓境幾萬里者相合然則錫喇即錫里庫因元史為明代所修故譯音譌舛一以為錫喇一以為錫里庫誤分二人而憲宗紀二年書錫喇薨三年重書錫里庫征西遂相承誤載也此記言常德西使在己未正月蓋錫里庫獻捷之明年所記雖但據見聞不能考證古蹟然亦時有異聞郭侃傳所載與此略同惟譯語時偶有譌異耳我朝載定西域崑崙月離盡入版圖計常德所經皆在今屯田列障之內具詳西域圖志劉郁所紀本不足道姑錄以備考耳

源案此記所載回國則直造天方佛國則直窮印度皆踰蔥嶺而抵西海今新疆版圖僅有蔥嶺以東安能在屯田列障之內讀高宗御製五天竺說則我朝不勤遠略無庸與元代爭蹟武亦不必以諛詞誣往代也

明職方外紀中國之西南曰印弟亞即天竺五印度也在印度河左右國人面皆紫色其南土曉天文頗識性學亦善百工技巧無筆札以錐畫樹葉為書國王之統例不世及以姊妹之子為嗣親子弟則給祿自膳男子不衣衣僅以尺布掩臍下女人有以布纏首至足者其俗士農工賈各世其業最貴者曰婆羅門次曰乃勒大

抵奉佛多設齋醮今沿海諸國與西客往來者亦漸奉天主教其地有加得山中分南北南半則山川氣候鳥獸蟲魚草木之屬無不各極詭異其地自立夏以至秋分無日不雨反是則片雲不合酷暑難堪惟日有涼風解之其風自已至申從海西來自亥至寅從陸東來草木異于常者不可屈指西友鄧儒望嘗游其國獲靚草木生平未嘗見者至五百餘種其所產木以造舟極堅永不破壞多產椰樹為天下第一良材幹可造舟車葉可覆屋實能療饑漿能止渴又可為酒為醋為油為飴糖堅處可削為釘殼可盛飲食瓢可索絢種一木而一室之利畢賴之矣又有二奇木其一陰樹花形如茉莉且晝不開至夜始放

海國圖志 卷二十一
向晨盡落地矣。國人好卧于樹下，至蚤花覆滿身，其一木不花而實，人不可食，其枝飄揚，下垂附地，便生根若柱，如是歲久，結成巨林，國人蔭其下，無異屋宇，至有容千人者，其樹之中，近原幹處，則以供佛名菩薩樹鳥類最多，有巨鳥，吻能解百毒，國中甚貴之，一吻直金錢五十，地產象，異於他種，能識人言，土人或命負物至某地，往輒不爽，他國象遇之，則蹲伏，有獸名獨角，天下最少，亦最奇，利末亞亦有之，額間一角，極能解毒，此地恒有毒蛇，蛇飲泉水，水染其毒，人獸飲之，必死，百獸在水次，雖渴不敢飲，必俟此獸來，以角攪其水，毒遂解，百獸始就飲焉，勿搦祭亞國庫云，有兩角，稱爲國寶，又有獸形如牛，身大如象，而少低，有兩角，一在鼻上，一在項背間，全身披甲，甚堅，銃箭不能入，其甲交接處，比次如鎧甲，甲面犖确，如鯊皮，頭大尾短，居水中，可數十日，從小豢之，亦可馭百獸，俱懼伏，尤憎象與馬，偶值必逐殺之，其骨肉皮角牙蹄糞皆藥也，西洋俱貴重之，名爲罷達，或中國所謂麒麟，天錄辟邪之類，其貓有肉翅，能飛，蝙蝠大如貓，蛇種類極多，大半俱毒。

地勢爲三

角形末銳處闊不百步，東西氣候無不各極相反，此晴則彼雨，此寒則彼熱，此風濤蔽天，則彼穩如平地矣，故海船有乘順風而過者，至銳處則行如拔山，此南印度之尤異也。

又曰印度有五，惟南印度尚仍其舊，餘四印度今皆爲莫卧爾回國所併矣，莫卧爾國甚廣，分爲十四道，象至三千餘隻，近百年內吞併鄰國甚多，嘗攻西印度，其西印度王統兵五十萬，馬十五萬，象二百，每象負一木臺，容人可二十，又載銃千門，其大者四門，每門駕牛二百。

又盛載金銀滿五十巨罌以禦之，不勝，盡為莫臥爾國王所獲。又東印度有大河，名安日即恒河，國人謂經此水一浴，所作罪業悉得消除。五印度之人咸往沐浴，冀得滅罪生天也。其東近滿刺加處，國人各奉四元行之一，死後各用本行葬其屍，如奉土者入土，奉水火者投水火，至奉氣者則懸掛尸於空中，亦大異也。

恒河考上魏源

問自晉魏唐以來，歷代高僧使西域，皆自蔥嶺沿印度河南行，以達中西二印度，從無有沿恒河者。豈恒河不

源蔥嶺，而偏處東隅乎？佛經說法，動喻恒河波斯匿王及諸大弟子往返之迹，皆在恒河。從無一語及印度河。豈佛終身僻處東南二印度，而不至中西二印度乎？蔥嶺大龍池，即阿耨達池，出四大水分注四海，而印度河、恒河皆注南海。何以唐人皆指印度所注為西海乎？魏源曰：恒河同源而異委，其出于蔥嶺大龍池者，即恒河之正源。至印度而分二：一由西印度入海，是為西恒河；一由東印度入海，是為東恒河。佛生中印度之舍衛國，一生得法輪，多在西恒河左右。其東恒河則偶至不常。

至後世方俗傳稱東印度之河為恒河而譌稱西恒河為印度河于是并以上游出蔥嶺之源統稱印度河凡信度河新頭河者皆印度之轉音也惟梁書言天竺國臨大江名新頭河源出昆侖分為五江總名曰恒水又酈氏水經注引釋氏西域記曰阿耨達太山其上有大淵池宮殿樓觀甚大焉山即崑崙山也其山出六大水山西有水名新頭河西南有二水名遙奴一名薩罕一名恒伽同出一山俱入恒水恒水一出大秦名犁鞞一東流入東海蓋二水所注兩海所納自為東西也又康泰扶南傳曰恒水

之源乃出極西北崑崙山中有五大源枝扈黎大江出山西北流東南注大海枝扈黎即恒水也渡江西行極大秦也此乃並指印度河為西恒河印度河源為恒源法顯傳上游雖沿俗稱印度河而下游言恒水又東到多磨犁鞞即是海口犁鞞乃條支瀕西海之地是亦以印度河即恒水若專指東印度之水為恒水則豈能橫貫印度河而西北至犁鞞又貫印度河而東南至榜葛刺耶源同委異星漢昭明安得忽奪其一又并誣其源致佛經無一可通乎至阿耨達注西海之水以印度河

當之尤元奘記之謬夫東恒西恒同注南海非地中海也烏得以印度河之海口為西海又安得分一恒河之水以當二河哉別詳崑崙惟是水經雖言恒河下游之分注而不詳上游何地分支考西域諸記西洋諸圖皆無分流歧出之證皇清通考四裔門曰巴達克山國扼蔥嶺之西有河北流經博羅爾巴達克山兩部之間至伊什得克特分流一流經北入圖斯泊一流逕西又北入伊西洱泊此蓋指縛芻河與印度河初分之處圖斯泊即縛芻河所經伊西洱泊即印度河所經也徐氏西域水道記第

一圖于龍池西出二派行六七百里或謂恒河東西分即各分為二亦以意為之非有所據流如梁州之東漢水西漢水在山谷中孔穴相通故西域取經諸僧皆未道及此亦臆度之詞而吾則斷兩水之分必在中印度以下不在中印度以上何者北印度之北界以大雪山綿亘二千里直抵裏海包社之地印度河循大雪山而西直至包社始轉而南故知上游斷無分流別駛之地極至中西兩印度之間平原曠野受水益多始分一支東行迨受後藏岡噶江之水而其流始大又至東印度之東受大金沙江水而浩瀚始極故

海國圖志卷之二十九
歷代西使之記皆踰印度河，卽爲北印度，無更渡一水者。至其受岡噶江以後，則一統志述之曰：岡噶江源出岡底斯山，山南馬品木達賴池，及郎噶池，自池西流出，名狼楚河，西流二百餘里，折而北繞古格札什魯木布則城西，仍轉南，又西流千有五百餘里，至阿里西鄙桑納蘇木多之地，拉楚河自僧格喀巴布山發源，西流千有六百餘里，轉南流三百五十餘里來會之，又轉南流二百五十餘里，經畢底城之西，二百餘里，折東流千七百餘里，至那克拉蘇木多北鄙，又有麻楚河來會之，三

水合一，始名岡噶江，轉東南，經馬木巴柞木郎部落，至厄訥特克國，入南海。案厄訥特阿國，卽中印度也。其下游至東印度，又受大金沙江，則英夷地圖繪之。岡噶江與大金沙江合流，始名安日河，亦名安市河，入南海。故坤輿職方諸圖皆無大金沙江，蓋統于安日河之海口也。然則東印度當在恒河以西乎？抑在恒河以東乎？曰：恒河兩岸地皆有之，上游則岡噶江以東，如吉里鎖里坎巴諸國，下游則安日河以東，如大小葛蘭柯枝諸國，以西如榜葛刺國，皆東印度境也。大金沙江自緬甸

逆流而西，則其南岸之地如柯枝等國，亦皆橫行自東而西，轉入印度境內，故元奘記往東印度，皆涉大河而往，柯枝、葛蘭，今名烏土國，榜葛刺一名孟加臘，其近後藏之功德阿難等國，當卽廓爾喀國，不瀕大海，其古里鎖里，殆卽海錄之徹第岡等地歟。明史言水程，幾晝夜者，海艘沿恒河下游，非必皆大洋之道里。

恒河考下

問曰：漢書往罽賓，有懸度之險，晉法顯亦曾經其地，述之曰：崖岸險絕，石壁千仞，下有水，名新頭河，鑿石通路。

躡懸絙，過沙河，兩岸相去八十步，渡河到烏菟國，卽北天竺，是懸度，蓋度新頭河，往印度，必由之險，而元邱長春、劉郁之西行，及乾隆中官兵之追霍集古，皆往反此河，曾無躡絙緣竿之事，豈陵谷遷變耶？曰：水經注言懸度在烏秣之西，烏秣今巴達克山也，官軍追賊，僅至巴達克山，東北交界，安能卽至其西境之懸度乎？漢書罽賓傳，歷三盤石坂，臨崢嶸不測之深，步騎繩索相引，二千餘里，乃到懸度，是其地距龍池甚遠，故法顯傳踰蔥嶺後，又西南行十五日，始至懸度焉。我軍追賊至蔥嶺

之阿爾楚山又三日卽追戰于伊西庫洱河其兩岸卽和什珠克嶺近在大龍池之西巴達克山之東北距法顯所渡尙隔十餘程故皇清四裔考曰葱嶺西有河北流經巴達克山博羅爾兩部之間北入伊西洱泊其北鄙之城曰瓦漢將軍富德移檄索其獻俘而進軍瓦漢以待之蓋駐軍其國北境未抵其國都也至邱長春初從鐵門踰阿母河至印度北雪山行在不言過印度河及歸從他道過石峽有石梁橫其上流甚急賦詩有水北鐵門猶自可水南石峽更堪驚之句則明指阿母

河以南之印度河矣其後次再赴行在舟濟阿母河後夜過班里城又東行數十里復過一水馬僅能度則又涉印度河矣長春兩踰印度河而一由石梁一則馬涉是皆印度河上源其水尙淺又何曾至烏秣以西下游之懸度乎不但此也卽唐元裝使西域記亦未經懸度蓋元裝由鐵門過縛芻河南度大雪山卽邱長春所經之路法顯則順河北岸西行故未經鐵門亦未踰大雪山其程途有上下游之別非往北印度者必經懸度之險也以地望推之鐵門在縛芻河北納林河南迫近賽

海國圖志 卷二十九
馬爾罕當在今敖罕南境，懸度則在今巴達克山西境。愛烏罕東境，恒河蓋貫二部，而南經克什彌爾之東，以入痕都斯坦。其通舟當在懸度下游以後。漢唐時往罽賓者，憚大雪山之阻，故繞其下游。唐以後，多踰大雪山，至北印度，故不繞懸度也。外國史略曰：印度東南北俱高山，惟中央平坦，卑溼片地，皆支江，可以灌溉。其水漲時，壞田，旱易淺涸，雨則驟潦，家家以小舟往來，鄉邨亦無高阜。江河遷徙無常，滄桑陵谷，盈涸時有，故知東西恒河之通流，斷在懸度以後，不在懸度以上。

海國圖志卷三十

西南洋

邵陽魏源輯

中印度沿革

原無今補輯

漢書烏弋山離國主，去長安萬二千二百里，不屬都護。戶口勝兵大國也。東北至都護治所，六十日行。東與罽賓，西與犁軒條支接。烏弋地暑熱，莽平，其草木畜產，五穀果菜，食飲宮室，市列錢貨，兵器金珠之屬，皆與罽賓同。而有桃拔、師子、犀牛，俗重妄殺，其錢獨文爲人頭，幕爲騎馬，以金銀飾杖，絕遠。漢使希至，自玉門陽關出南

道歷鄯善而南，行至烏弋山離，南道極矣，轉北而西得

安息。案烏弋山離在罽賓之西，犁鞞條支安息之東南，其為中印度無疑，俗重妄殺，佛國始見于史，故以

冠中印度之首，漢初身毒未通于中國，故語焉不詳。

後漢書天竺國一名身毒，在月氏之東南數千里，俗與

月氏同，而卑溼暑熱，其國臨大水，乘象而戰，其人弱於

月氏，修浮圖道，不殺伐，遂以成俗。從月氏高附國以西，

南至西海，東至槃起國，皆身毒之地。全傳已見前五印

范蔚宗西域傳論曰：西域風土之載，前古未聞也。漢世

張騫懷致遠之畧，班超奮封侯之志，終能立功西遐，羈

服外域，自兵威之所肅服，財賂之所懷誘，莫不獻方奇

納愛質，露頂肘行，東向而朝天子，故設戊己之官，分任

其事，建都護之帥，總領其權，先馴則賞贏金，而賜龜綬，

後服則繫頭頰，而釁北關，立屯田於膏腴之野，列郵置

於要害之路，馳命走驛，不絕於時月，商胡販客，日款於

塞下，其後甘英乃抵條支，而歷安息，臨西海以望大秦，

拒玉門陽關者四萬餘里，靡不周盡焉。若其境俗性智

之優薄，產載物類之區品，川河嶺障之基源，氣節涼暑

之通隔，梯山棧谷，繩行沙度之道，身熱首痛，風災鬼難

海國圖志 卷三十一
之域莫不備寫情形，審求根實，至於佛道神化，與自身
毒而二漢方志莫有稱焉，張騫但著地多暑溼，乘象而
戰，班勇雖列其奉浮圖，不殺伐，而精文善法，導達之功，
靡所傳述，余聞之後說也，其國則殷乎中土，玉燭和氣，
靈聖之所降集，賢懿之所挺生，神迹詭怪，則理絕人區，
感驗明顯，則事出天外，而騫超無聞者，豈其道閉往運，
數開叔葉乎，不然，何誣異之甚也，漢自楚英始盛齋戒
之祀，桓帝又修華蓋之飾，將微意未譯，而但神明之邪，
詳其清心釋累之訓，空有兼遣之宗，道書之流也，且好

仁惡殺，蠲敝崇善，所以賢達君子多愛其法焉。魏書唐書宋史

已見五印度總考不重錄

明史沿納樸兒，其國在榜葛刺之西，或言卽中印度，古
所稱佛國也，永樂十年遣使者齋敕撫諭其國，賜其王
金絨錦金織文綺綵帛等物，十八年榜葛刺使者，愬其
國王數舉兵侵擾，詔中官侯顯齋勅諭以睦鄰保境之
義，因賜之綵幣，所過金剛寶座之地，亦有布施，然其王
以去中國絕遠，朝貢竟不至。金剛座之地見佛經及大
唐西域記此中印度無疑
西域圖志曰：愛烏罕東南接痕都斯坦部，漢書南道西

踰蔥嶺則出大月氏與今愛烏罕方位相符而痕都斯坦為古罽賓國愛烏罕南與相接亦與漢書大月氏南接罽賓之說合惟境壤相接是以貴霜大得滅罽賓而有之也罽賓與北印度接五印度即五天竺國范史稱貴霜王于滅罽賓後并滅天竺亦其境地毘接之明證案以大唐西域記考之罽賓當為克什彌爾之地即北印度而痕都則中印度也愛烏罕為大月氏南境而大月氏則北有大夏又有兼又班書稱大月氏都媯水北北印度之西境此全誤魏書稱其都馬許水隋書稱其部烏許水烏許與媯為音之近烏許與馬許則字之譌也范史又稱天竺在月

氏之東南天竺為今西藏亦適當愛烏罕東南境據此

斷以愛烏罕為月氏故壤無疑源案以西藏為天竺故以痕都斯坦為罽賓耳

謂罽賓尚非北印度愈岐愈遠皆與御製五天竺說不合惟謂愛烏罕為月支則近是

又曰痕都斯坦在拔達克山西南愛烏罕東漢書作東南國

工治玉以水磨成器最精為內地所勿逮舊於葉爾羌

貿易乾隆二十五年頒勅書賜物通市如故其地蓋

北印度交界北極高二十九度十五分距京師偏西四

十五度五分當為古罽賓國地案罽賓即北印度而痕都斯坦則中印度不當

混為一也痕都一作溫都

海國圖志卷三十三
貢麒麟百官表賀自是不復至其國地大物阜城池街市聚貨通商繁華類中國四時氣候常如夏土沃一歲二稔不待耕耘俗淳龐有文字男女勤於耕織容體皆黑間有白者王及官民皆回回人喪祭冠婚悉用其禮男子皆薙髮裹以白布衣從頸貫下用布圍之厯不置閩刑有笞杖徒流數等官司上下亦有行移醫卜陰陽百工技藝悉如中國蓋皆前世所流入也其王敬天朝聞使者至遣官具儀物以千騎來迎王宮高廣柱皆黃銅包飾雕琢花獸左右設長廊內列明甲馬隊千餘外

列巨人明盔甲執刀劍弓矢威儀甚壯丹墀左右設孔雀翎傘蓋百餘又置象隊百餘於殿前王飾八寶冠箕踞殿上高坐橫劍於膝朝使入令拄銀杖者二人來導五步一呼至中則止又拄金杖者二人導如初其王拜迎詔叩頭手加額開讀受賜訖設絨毯於殿宴朝使不飲酒以薔薇露和香蜜水飲之贈使者金盃金繫腰金瓶金盆其副則悉用銀從者皆有贈厥貢良馬金銀琉璃器青花白瓷鶴頂犀角翠羽鸚鵡洗白苾布兜羅棉撒哈刺糖霜乳香熟香烏香麻藤香烏爹泥紫膠藤竭

烏木蘇木胡椒麤黃宋史丹眉流國東至占臘五十程南至羅越水路十五程西至西天三十五程北至程良六十程東北至羅斛二十五程東南至閣婆四十五程西南至程若十五程西北至洛華二十五程東北至廣州一百三十五程其俗以版為屋跣足衣布無紳帶以白紵纏其首貿易以金銀其主所居廣袤五里無城郭出則乘象車亦有小馴地出犀象平四年來貢按其方位四至亦東印度地

明史或言柯枝即古盤盤國宋梁隋唐皆入貢唐書盤盤在南

海西北距環王限少海與狼牙修接自交州海行四十日乃至宋元嘉梁大通中均入貢其民瀕水居比木為柵石為矢鏃貞觀中王遣使朝其東南有哥羅富沙羅王州二十四其兵有弓矢稍受以孔雀羽飾纛每戰以百象為一隊一象百人鞍若檻四人執弓稍在中賦率輸銀二銖無絲紵惟吉貝非有官不束髮凡嫁娶納檳

椰為禮多至二百盤東南有拘婁密海行一月至南距婆利行十日不述行五日西北距交單行六日至與赤土墮自小葛蘭西北行順風一日夜可至永樂

元年遣中官尹慶齋詔撫諭其國賜以銷金帳幔織金文綺綵幣及華蓋永樂六年復命鄭和使其國六年遣使來貢十年封其國中之山勒石山上宣德八年遣使偕錫蘭山諸國來貢正統元年遣其使者漸瓜哇貢船還國賜勅勞王其國與錫蘭山對峙中通古里國界東大山西南北皆大海氣候常熱田疇少收俗頗淳築室用椰子樹即取其葉為苫覆王瑣里人尊釋教佛座四

旁皆水溝，復穿一井，每旦鳴鐘鼓，汲水灌佛，再三始羅拜而退。人分五等，第一南昆王族類，二回回，三哲地，皆富民，四革全，皆牙僧，最賤者曰木瓜，屋高不得過三尺，蓋極貧民，執賤役者，歲中二三月時有少雨，國人皆治舍，儲食物以俟，五六月間大雨不止，街市成河，七月始晴，八月後不復雨，歲歲皆然。地產諸穀，獨無麥，諸畜亦皆有，惟無鷺與驢。澳門紀畧，柯枝國分上三等，曰南昆王族類，曰回回，曰哲地，下二等，曰革全，皆牙僧，曰木瓜，最貧賤，遇南昆哲地人輒伏地。明史又曰小葛蘭，其國與柯枝接境，自錫蘭山西北行

六晝夜，可達東大山，西大海，南北地窄，西洋小國也。永樂五年，遣使附古里蘇門答刺入貢，賜其王錦綺紗羅鞍馬諸物，其使者亦有賜。王及郡下皆瑣里人，奉釋教，敬牛，及他婚喪諸禮，多與錫蘭同，俗瘠土薄，收穫少，仰給榜葛刺，鄭和常使其國，厥貢止珍珠傘白綿布胡椒，又有大葛蘭，波濤湍悍，舟不可泊，故商人罕至。土黑墳，本宜穀麥，民懶事耕作，歲賴烏爹之米以足食，風俗土產多類小葛蘭。柯枝即海錄之烏土國，故大小葛蘭地接柯枝，土亦黑墳，無一不谷，考英夷所繪中國地圖，亦列柯枝于大金沙江海口東岸，與緬甸接，以上二國皆東印度邊境，故附著之。

又曰古里西洋大國西濱大海南距柯枝國北距狼奴爾國東七百里距坎巴國自柯枝舟行三日可至觀柯枝至

古里必由舟行可見中隔江河蓋古里介大金沙及恒河二水之間而柯枝則在江河合流之東南岸也自

錫蘭山十日可至諸番要會也永樂元年命中官尹慶奉詔撫諭其國賚以綵幣其酋遣使從慶入朝貢三年

達南京封為國王賜印誥及文綺諸物遂比年入貢鄭

和亦數使其國十三年偕柯枝南勃利甘巴里滿刺加

諸國人貢十四年又偕瓜哇滿刺加占城錫蘭山木骨

都束漚山南淳利不刺哇阿丹蘇門答刺麻林刺撒忽

魯謨斯柯枝南巫里沙里灣泥彭亨諸國入貢是時諸

番使臣充斥於廷以古里大國序其使者于首十七年

偕滿刺加十七國來貢十九年又偕忽魯謨斯阿丹祖

法兒刺撒不刺哇木骨都束柯枝加異勒漚山南淳利

蘇門答刺阿魯滿刺加諸國遣使千二百人入貢時帝

方出塞勅皇太子曰天時向寒貢使即令禮官宴勞給

賜遣還其以土物來市者官酬其直自成祖崩中朝不

遣使諸國諸國貢使亦不來宣德五年復遣鄭和使其

國八年其王遣使偕蘇門答刺柯枝錫蘭山祖法兒阿

丹甘巴里忽魯謨斯加異勒天方使臣入貢其使久留都下至正統元年乃命附瓜哇貢舟西還自是不復至其國山多地瘠有穀無麥俗甚淳行者讓道道不拾遺人分五等如柯枝王敬淨屠鑿井灌佛亦如之每日王及臣民取牛糞調水塗壁及地又煨爲灰抹額及股謂爲敬佛國中半崇回教建禮拜寺數十處七日一禮男女齋浴謝事午時拜天於寺未時乃散王老不傳子而傳甥無甥則傳弟無弟則傳於國之有德者國事皆決於二將領以回回人爲之刑無鞭笞輕者斷手足重

者罰金珠尤重者夷族沒產鞫獄不承則置其手指沸湯中三日不爛卽免罪免罪者將領導以鼓樂送還家親戚致賀富家多植椰子樹至數千其嫩者漿可飲亦可釀酒老者可作油糖亦可作飯幹可構屋葉可代瓦殼可製杯穰可索綯煨爲灰可鑲金其他蔬果畜產多類中國所貢物有寶石珊瑚珠琉璃瓶琉璃枕寶鐵刀拂郎雙刃刀金繫腰阿思模達塗兒氣龍涎香蘇合油花氈單伯蘭布苾布之屬

又曰西洋瑣里洪武二年命使臣劉叔勉以卽位詔諭

其國三年平定沙漠復遣使臣頒詔其王遣使奉金葉表獻方物成祖頒即位詔於海外諸國西洋瑣里亦與焉永樂元年二十一年偕古里阿丹等十五國來貢源

一統志云西洋瑣里本一小國乃占城暹羅錫蘭山柯枝諸大國王舊志皆云瑣里人故特存之此與古里皆東印度境於大地方位為南洋非西洋也明史云西

洋者失之明史西天阿難功德國西方番國也洪武七年遣其講主必尼西來朝貢方物及解毒藥石詔賜文綺禪衣及布帛諸物後不復至又有和林國師亦遣其講主來朝獻銅佛舍利曰哈丹布及元所授玉印玉圖書又曰尼入刺國在諸藏之西去中國絕遠其王皆僧為之洪武十七年太祖已招徠諸番議通使其地命僧智光齋璽書綵幣往并使其鄰境地湧塔國智光精釋典負才辯宣揚天子德意其王即遣使隨入朝貢金塔佛經及名馬方物二十年達京師帝喜賜銀印玉圖

書誥敕符驗及幡幢綵幣又賜其使者二十三年再貢加賜玉圖書紅羅繖終太祖時數歲一貢成祖嗣位復命智光使其國永樂七年遣使來貢十一年命楊三保齋璽書銀幣賜其嗣王及地湧塔王十六年命申官鄧城齋書往所經罕東靈藏必力工瓦烏斯藏及野藍卜納皆有賜宣德二年又遣中官侯顯賜其王絨錦紗絲地湧塔王如之自後貢使不復至又有速覩崇者亦西方之國永樂三年遣行人連迪等齋敕往招賜銀紗綵幣其會以道遠竟不至萬歷野獲編曰西天功德阿難國古來不聞此夷名金元諸史及國朝會典皆不載必胡僧賺賞偽造美名以欺天朝耳源案明史尙有加異勒國甘巴里國吉蘭丹國皆永樂宣德中鄭和所奉使招徠偕古里柯枝南淳利等國入貢其隣境尙有小阿蘭撥丹二國皆東印度之部落

物甘畢在南海上東距環王有勝兵五千哥羅舍分者在南海南東婆和羅修羅分者在海北東距真臘其風俗大略相類有君長皆柵郭二國勝兵二萬甘畢才五千又有多摩婁東距婆鳳西多隆南干支弗北訶陵地東西一月行南北二十五日行俗無姓婚姻不別同姓王坐常東向勝兵二萬有弓刀甲稍無馬果有波那婆宅護遮菴摩石榴其國經薩盧都訶盧君那盧林邑諸國乃得交州顯慶中貢方物

案通典有章求拔國在東印度西未審為南否也

南印度海中錫蘭山島國沿革

一曰師子國一曰僧伽刺國一曰楞伽山一曰則意蘭島

梁書師子國天竺旁國也其地和適無冬夏之異五穀隨人所種不須節其國舊無人民止有鬼神及龍居之諸國商賈來共市易鬼神不見其形但出珍寶顯其所堪價商人依價取之諸國人聞其土樂因此競至或有停住者遂成大國晉義熙初始遣獻玉像經十載乃至像高四尺二寸五色潔潤形製殊特殆非人工此像歷晉宋世在瓦官寺寺先有徵士戴安道手製佛像五軀

及顧長康雜摩畫圖，世人謂爲三絕。至齊東昏遂毀玉像，前截臂，次取身，爲嬖妾潘貴妃作釵釧。宋元嘉六年十二月，其王刹利摩訶遣貢獻，大通元年，後王伽葉伽羅訶梨邪使奉表。

新唐書：師子國居西南海中，延袤二十餘里，有稜加山，多奇寶，以寶置洲上，商舶償直輒取去，後隣國人稍往居之，能馴養師子，因以名國。總章三年，遣使者來朝，天寶初，王尸羅迷迦再遣使獻大珠、鈿金寶。

明史：錫蘭山，卽古狼牙修，梁時曾通中國，自蘇門答刺

順風十二晝夜可達。永樂中，鄭和使西洋，至其地，其王欲害和，和覺去之他國。其王又不睦鄰境，屢邀劫往來，使臣諸番皆苦之。及和歸，復經其地，乃誘和至國中，發兵五萬劫和舟，且塞歸路。和乃率部卒二千，由間道乘虛攻拔其城，生擒其王，妻子頭目獻俘于朝廷。諸臣請戮帝，釋之，擇其族之賢者立之。其舊王亦釋歸。自是海外諸番益服天子威德，貢使載道。而其王遂屢入貢。其國地廣人稠，貨物多聚。亞于瓜哇，東南海中有山三四座，總名曰翠藍嶼，大小七門，門皆可通舟。中一山尤高。

海國圖志 卷三十一
大番名梭篤蠻山其人皆巢居穴處赤身髡髮自此山
西行七日見鸚哥嘴山又二三日抵佛堂山即入錫蘭
國境海邊山石上有一足跡長三尺許故老云佛從翠
蘭嶼來踐此故足跡尚存中有淺水四時不乾人皆手
蘸以洗面目山下僧寺有釋迦真身側卧床上旁有佛
牙及舍利相傳佛涅槃處也其寢座莊嚴甚麗王所居
側有大山高出雲漢產諸色寶石每大雨衝流山下海
旁有浮沙珠蚌聚其內故其國諸珠寶特富王所居國
人崇釋教重牛日取牛糞燒灰塗其體又調之以水徧

塗地上乃禮佛手足直舒腹貼于地以爲敬不食牛肉
止食其乳死則瘞之有殺牛者罪至死氣候常熱米粟
豐足雖富饒然不喜噉飯欲噉則於暗室不令人見男
子裸上體下圍以布褊體皆毫毛悉薙去惟髮不薙所
貢物有珠珊瑚寶石水晶撒哈喇西洋布乳香木香樹
香檀香沒藥硫磺藤竭蘆薈烏木胡椒磁石馴象之屬
案梁書狼牙修國與師子國分敘爲二國狼牙敘
于干陀利之後婆利之前而師子國則敘于婆利
及天竺之後東西判然迥不相侷安得以狼牙修
爲錫蘭山而置龍鬼合居之師子國于不問乎明
史之外國沿革無
一不繆有如此者

廣東通志錫蘭山疆域在西洋與柯枝國對峙南以別
 羅里為界自羅里南去順風七晝夜可至潘山洋國十
 晝夜可至古里國二十一晝夜可至卜刺哇國柯枝接
 大小葛蘭二國山連赤土上自小葛蘭順風二十晝夜
 可至木骨都東國自古里順風十晝夜可至忽魯謨斯
 國二十晝夜可至刺撒國二十二晝夜可至阿丹國又
 自忽魯謨斯四十晝夜可至天方國乃南洋之盡處也
 書稱狼牙修國在南海中其界東西三十日行南北二
 十日行北去廣州二
 萬四千里蓋即此國
 西域記附注僧伽羅國古之師子國又曰無憂國即南
 印度其地多奇寶又名日寶渚昔釋迦牟尼佛化身名
 僧迦羅國人推尊為王以大神通力破大鐵城滅羅刹
 女拯恤危難于是建都築邑化導四方示寂留牙在于
 茲土國有凶荒災異懇祈隨應今之錫蘭山即古之僧
 伽羅國也王宮側有佛牙精舍飾以眾寶輝光赫灼累
 世相承敬禮不衰今國王阿烈苦奈兒瑣里人也崇祀
 外道不敬佛法暴虐國人永樂三年太監鄭和奉香花

往詣彼國供養王欲加害鄭和知其謀遂去後復遣鄭
 和往賜諸番并賜錫蘭山國王王益慢不恭欲圖害使
 者用兵五萬人刑木塞道分兵以劫海舟會其下預泄
 其機鄭和等歸路已絕潛遣人回舟備水師拒之而和
 自以兵三千夜由間道攻入王城守之其劫海舟番兵
 乃與其國內番兵四面攻圍數重拒戰六日和等執其
 王凌晨開門伐木取道且戰且行凡二十餘里抵暮始
 達舟即禮請佛牙登舟靈異匪常光彩照輝歷涉巨海
 數萬里風濤不驚如履平地永樂九年七月至京師詔
 於皇城內莊嚴旃檀金剛寶座貯修供養佛牙精舍側
 有小精舍亦以眾寶而為瑩飾中有金佛像此國
 先王等身而鑄肉髻則貴寶飾焉至是并歸中國
 元王大淵島夷志畧僧加刺疊山環翠洋海橫峙其山
 腰有佛殿巋然則釋迦佛舍利所在海濱有石如蓮臺
 上有佛足跡長二尺有四寸闊七寸深五寸許跡中海
 水入其內不鹹而甘病者飲之則愈土人面紫身黑眼
 大而長手足溫潤而壯健壽多至百餘歲佛初憐彼方
 之人貧而為盜故以善化其民復以甘靈水灑池俾產

西南洋 南印度沿革

紅石土人掘之得此以濟貿易皆令溫飽而善其佛前有一鉢孟非玉非銅非鐵色紫而潤敲之有玻璃聲故國初凡三遣使取之云

南懷仁坤輿圖說印第亞之南有則意南島離赤道北四度人自幼以環繫耳漸垂至肩而止海中多珍珠江河生貓睛昔泥紅金剛石等山林多桂皮香木亦產水晶嘗琢成棺殮死者相傳為中國人所居今房屋殿宇亦頗相類西有小島數十總名馬兒地襪悉為人所居海中生一椰樹其實甚小可療諸病

按南印度之楞伽島舊為羅刹所居人不敢至佛為說法尚不能戒殺見於法苑珠林所載梁書亦言其為龍與鬼神所居何以後世竟為耕桑商舶之地惟西域記附注言僧伽刺王仗佛力以滅羅刹之事得

其實矣凡佛經所言轉輪聖王及阿修羅皆劫初時地天之通未絕非後世所有故昔日羅刹夜叉各島今皆開闢生齒繁殖而西牛貨州東神勝洲今亦商船通行氣運日開不怪為怪固難以為夏蟲井蛙道也

又案瀛環志略言中有高山土產鴉鵲寶石每遇大雨衝流山下從沙中拾取之隋常駿至林邑極西望見之番人謂高山為錫南因名云

附補落伽山及潛山 補落伽山一名普陀山

大唐西域記南印度瀕海有株刺耶山產龍腦香山東
 有布吐落迦山頂有池池側有石天宮觀自在菩薩往
 來遊舍從此山東北海畔有城是往南海僧迦羅國路
 從此入海東南可三千餘里至僧迦羅國唐書師子國
 亦南印度之境也國周七千餘里昔本寶渚羅刹居之
 前王僧伽刺治兵浮海而往誦咒奮武遂有其國其王
 即釋迦佛之前生也。案補落迦山在南印度瀕海
 之岸非島也。由此下海乃至錫南山島故別載之
 海島逸志曰穆迦濱於南海真佛所居山極高峻徧地
 黃金美玉百神守護不得取也真修者必登穆迦禮拜
 真佛持齋受戒數年而出人皆稱曰老君自能降神伏
 怪驅邪斬鬼手持念珠慈悲可掬見者知其有道。案
 此即南印度瀕海之
 落迦山也非錫蘭島
 明史潘山自錫蘭山別羅里南去順風七晝夜可至自
 蘇門答刺過小帽山西南行十晝夜可至永樂十年鄭
 和往賜其國自後三貢並與忽魯謨斯諸國偕宣德五
 年鄭和復使其國後竟不至其山居海中三石門並

可通舟無城郭倚山聚居氣候常熱土薄穀少無麥土
 人皆捕魚暴乾以充食王及羣下盡回回人婚喪諸禮
 多類忽魯謨斯山下有八港各以溜名或言外
 更有三千溜舟或失風入其處即有沉溺之患
 魏源曰五印度之地惟南印度斗出大海形如箕舌似
 中國之登萊而補落迦山則猶登州之成山其錫蘭島
 之楞伽山則四面皆海猶瓊州臺灣也普陀之在西藏
 在浙江定海者皆後出傳會惟此近翔實以非西夷市
 舶所集故無述焉獨是錫蘭島偏近印度史稱地廣富
 庶亞於瓜哇南懷仁艾儒略均圖述之何以亦闕然於
 英夷據印度之後惟地里備考以榜甲刺等十九部為

海國圖志 卷三十一
印度公司兼轄之地以錫蘭島為土君專轄之地其言較核於諸夷書蓋南洋斗出瀕海之岸為大西洋各國市埠環峙有英吉利埠有荷蘭埠有佛蘭西埠有彌利堅埠有葡萄牙埠岸市盛故島市微矣瀕山諸島林立環錫蘭山而地里備考謂錫蘭山四面千嶼環之其人物生殖者惟四五十島亦最切南洋之形勢譚印度者可無唐棗鑿空之憾焉

案海間小島名目實繁西人以意命名不能劃一大約大則百里小則數十里洲嶼星列耳

西印度沿革

唐以前安息條支皆佛教無回教也唐以後大食波斯始皆回教故以宗

佛教者歸此類

漢書安息國治番兜城去長安萬一千六百里不屬都護北與康居東與烏弋山離西與條支接土地風氣物類所有民俗與烏弋屬賓同亦以銀為錢文獨為王面幕為夫人面王死輒更鑄錢有大馬爵其屬小大數百城地方數千里最大國也臨媯水商賈車船行旁國書革旁行為書記武帝始遣使至安息王令將將二萬騎迎於東界東界去王都數千里行比至過數十城人民

海國圖志 卷之二
相屬因發使隨漢使者來觀漢地以大鳥卵及犁靛眩
人獻於漢天子大說安息東則大月氏

漢書又曰烏弋山離國行可百餘日乃至條支國臨西

海案此西海謂地中海暑溼田稻有大鳥卵如鵝人眾

甚多往往有小君長安息役屬之以為外國善眩安息

長者傳聞條支有弱水西王母亦未嘗見也自條支乘

水西行可百餘日近日所入云此語魏書已破其妄
見大西洋沿革云

後漢書安息國居和犢城去洛陽二萬五千里北與康

居接南與烏弋山離接地方數千里小城數百戶口勝

兵最為殷盛其東界木鹿城號為小安息去洛陽二萬

里章帝章和元年遣使獻獅子符拔符拔形似麟而無

角和帝永元九年都護班超遣甘英使大秦抵條支臨

大海欲度而安息西界船人謂英曰海水廣大往來者

逢善風三月乃得度若過遲風亦有一歲者故入海人

皆齎三歲糧海中善使人思土戀慕數有死亡者英聞

之乃止案大秦與條支止隔地中海海長雖萬餘里僅
廣二千里順風對度數日可至安有此阻難

之理此西夷貪漢使財物恐其西通大秦自相貿易則

已國不得龍斷其利故為此恐嚇之誕詞也至魏書始

破其妄十三年安息王滿屈復獻獅子及條支大鳥時謂

海國圖志 卷二十一
之安息雀自安息西行三千四百里至阿蠻國從阿蠻西行三千六百里至斯賓國從斯賓南行度河又西南至于羅國九百六十里安息西界極矣自此南乘海乃通大秦其土多海西珍奇異物焉

後漢書自皮山西南經烏秣涉懸度歷罽賓六十餘日行至烏弋山離國地方數千里時改名排持復西南馬行百餘日至條支條支國城在山上周回四十餘里臨西海海水曲環其南及東北三面路絕唯西北隅通陸道土地暑溼出師子犀牛封牛孔雀大雀大雀其卵如

甕轉北而東復馬行六十餘日至安息後役屬條支爲置大將監領諸小城焉

魏書安息在蔥嶺西都蔚搜城北與康居西與波斯相接在大月氏西

隋書安國漢書安息國也王姓昭武與康國王同族都那密山南城有五重環以流水宮殿皆爲平頭煬帝初遣杜行滿至其國又烏那曷國都烏澹水西舊安息之地王姓昭武康國種類東北去安國四百里西北去穆國二百餘里東去瓜州七千五百里穆國都烏澹河西

亦安息故地，與烏那曷為鄰，其王姓昭武，亦康國種類。

東北去安國五百里，東去烏那曷二百餘里，西去波斯

國四千餘里，東去瓜州七千七百里。唐書以後安息改名大食，條支改名

波斯皆回教，非佛教矣，別見巴杜阿丹兩國沿革。

魏書波斯國都宿利城，在忸密西，古條支國也。城方十

里，河經其城中，南流出金銀鐵石、珊瑚琥珀、車渠瑪瑙

多大真珠、頗犁璫璃、水晶琴瑟、金剛火齊、鑛鐵、銅、錫、硃

砂、水銀等物，氣候暑熱，家自藏冰，有鳥形如橐駝，有兩

翼，飛不能高，食草與肉，亦能噉火，神龜中遣使入貢。

隋書波斯國都達曷水之蘇蘭城，即條支故地，西去海

數百里，東去穆國四千餘里，西北去拂菻四千五百里，

東去瓜州萬一千七百里，都城方十餘里，勝兵二萬餘，

乘象而戰，妻其姊妹，國無死刑，或繫排于頸以標之，煬

帝遣李昱使波斯，尋遣使貢方物。

宋史注輦國東距海五千里，西至西天竺千五百里。宋史

原本作距海五里，又天竺上無西字，此據文獻通考。南至羅蘭二千五百里，北至

頓田三千里，自古不通中國，水行至廣州，約四十一萬

一千四百里，其國有城七重，高七尺，南北十二里，東西

海國圖志 卷三十一
七里，每城相去百步，凡四城用磚，二城用土，最中城以木爲之，皆植花果雜木，其第一至第三，皆民居，環以小河，第四城四侍郎居之，第五城主之，四子居之，第六城爲佛寺，百僧居之，第七城卽主之所居，室四百餘區，所統有三十一部落，其西十二，其南八，其北十二，今國主相傳三世矣，民有罪，卽命侍郎一員處治之，輕者繫於木格，笞五十，至一百，重者卽斬，或以象踐殺之，其宴則國主與四侍郎膜拜于階，遂共座，作樂歌舞，不飲酒，而食肉，案回教食牛羊肉不飲酒，俗衣布，亦有餅餌，掌饌執事用婦人。

其嫁娶先用金銀指環，越諾布，及女所服錦衣遺婿，若男欲離女，則不取聘財，女卻男，則倍償之，其兵陣用象居前，小牌次之，梭槍次之，長刀又次之，弓矢在後，四侍郎分領其眾，國東南約二千五百里，有悉蘭池國，或相侵伐，地產真珠象牙珊瑚，頗黎檳榔豆蔻吉貝布，獸有山羊黃牛，禽有山雞鸚鵡，果有餘甘藤羅，千年棗椰子，甘羅崑崙梅婆羅密等，花有白末利，散絲蛇臍佛桑麗秋青黃碧婆羅瑤蓮蟬紫水蕉之類，五穀有綠豆黑豆麥稻，地宜竹，自昔未嘗朝貢，大中祥符八年來貢，以盤

海國圖志 卷三十一
奉珍珠、碧玻璃升殿，布於御坐前，降殿再拜，離本國舟行七十七晝夜，歷那勿丹山、娑里西蘭山，至占賓國，又行六十一晝夜，歷伊麻羅里山，至古羅國，國有古羅山，因名焉。又行七十一晝夜，歷加八山，占不牢山，舟寶龍山，至三佛齊國，又行十八晝夜，度蠻山水口，歷天竺山，至賓頭狼山，望東西王母塚，距舟所將百里，又行二十晝夜，度羊山、九星山，至廣州之琵琶洲，離本國凡千一百五十日，至廣州焉。凡宴賜恩例同龜茲使。明道二年，表進珍珠衫帽及真珠一百五兩，象牙百株，自言數朝

貢，而海風破船不達，願將上等珠，就龍牀腳撒殿，頂戴瞻禮，以申嚮慕之心，乃奉銀盤升殿，跪撒珠于御榻下而退。

宋史云：屑壇國在南海傍，城距海二十里。熙寧四年，始入貢。海道使風行百六十日，經勿巡古林，三佛齊國，乃至廣州，傳國五百年十世矣。人語言如大食，地春冬暖，貴人以越布纏頭。案此即白帽回，亦曰纏頭回。服花錦白氍布，出入乘象馬，有奉祿，其法輕罪杖，重罪死，穀有稻粟麥，食有魚畜，有綿羊、山羊、沙牛、水牛、橐駝、馬、犀象，藥有木香、血

海國圖志 卷三十一
蠋沒藥鵬砂阿魏薰陸產珍珠玻璃密華三酒交易用
錢官自鑄三分其齊金銅相半而銀居一分禁民私鑄
元豐六年使再至神宗念其絕遠詔頒賚如故事仍加
賜白金二千兩

坤輿圖說阿爾母斯其地悉是鹽及硫磺草木不生鳥
獸絕跡人著皮履遇雨過履底一日輒敗多地地震氣候
極熱須坐卧水中沒至口方解絕無淡水勺水皆從海
外載至因居三大洲之中富商大賈多聚此地百貨駢
集人煙輻輳凡海內珍奇難致之物輒往取之源案明史作忽

魯謨斯又南懷仁圖中有阿爾母河職方外紀則作阿爾謨海與西紅海相對共兩海汶而阿丹回國則夾于二海汶之間蓋歐羅巴洲之貨由地中海來者皆在此過載駁陸再下南洋海而亞細亞洲南洋之貨亦至此入內河分赴彼二州也

明史祖法爾國自古里西北放舟順風十晝夜可至永
樂十九年遣使偕阿丹刺撒諸國入貢命鄭和齎璽書
賜物報之宣德正統屢貢其國東南大海西北重山天
時常若八九月五穀蔬果諸畜咸備人體頎頎王及臣
民悉奉回教婚喪亦遵其制多建禮拜寺遇禮拜日
市絕貿易男女長幼皆沐浴更新衣以薔薇露或沉香

油拭面，焚沉檀，俺兒諸香于鑪，人立其上，以薰衣，然後往拜，所過街市，香經時不散，天使至，詔書開讀，訖其王遍諭國人，盡出乳香、血竭、蘆薈、沒藥、蘇合、油、安息香諸物，與華人交易，乳香乃樹脂，其樹似榆，而葉尖長，土人斫樹取其脂為香，有駝雞，頸長類鶴，足高三四尺，毛色若駝，行亦如之，常以充貢。案地產駝雞，知為安息大食境，故入之西印度。

又曰：忽魯謨斯，西洋大國也，自古里西北行二十五日可至，永樂十年，天子以西洋近國，已航海貢琛，稽顙闕下，而遠者猶未賓服，乃命鄭和齎璽書往撫忽魯謨斯。

比刺瀕山孫刺諸國，賜其王錦綺、綵帛、紗羅，妃及大臣皆有賜，至忽魯謨斯，王即遣陪臣奉金葉表，貢馬及方物，十二年至京師，命禮官宴賜，酬以馬直，比還，賜王及妃以下有差，自是凡四貢，和亦再使，後朝使不去，其使者亦久不至，宣德五年，復遣和宣詔其國，乃遣使來貢，八年至京師，宴賜有加，正統元年，附瓜哇舟還國，嗣後遂絕，其國居西海之極，自東南諸蠻邦及大西洋商舶，西域賈人皆來此貿易，故寶貨填溢，氣候有寒暑，春發葩，秋隕葉，有霜無雪，多露少雨，土瘠穀麥寡，然他方轉

海國圖志 卷三十一
輸多，價極賤，民富裕，或遭禍致貧，眾皆遺以錢帛，共振業之。王及臣下，俱回回人，婚喪悉用其禮。人多白哲，豐偉，婦女出，則以紗蔽面。市列屢肆，百物具備，惟禁酒，犯者罪至死。醫卜技藝，皆類中華。交易用銀錢，書用回回字。王遵其教，日齋戒沐浴，虔拜者五。地多鹹，不產草木。牛羊馬駝皆噉魚脂，壘石為屋，有三四層者。寢處庖廁，及待客之所，皆在其上。饒蔬果，有核桃、把明、松子石、榴葡萄、花紅、萬年棗之屬。有大山，四面異色：一紅、鹽石、鑿以為器，盛食物，不加鹽而味自和。一白土，可塗垣壁。

一赤土，一黃土，皆適於用。所貢有獅子、麒麟、駝、雞、福祿靈羊，常貢則大珠寶石之類。

源案西印度諸國皆安息漢書所謂安息大鳥今閩粵寧波上海洋船多載還內地其雞高三四尺花冠翠羽其行若駝俗云洋雞者也但此尚非至大者其本國駝禽高大更倍天方典禮云駝雞尾長似雉雌者高三尺至七尺雄者高丈餘背有肉鞍似駝可乘致遠蹄蒼色張翅甚大其卵如甕可作器舟船難載故罕至云此皆西南洋非大小西洋而明史謂其國居西洋之極者鄭和之舟至此而返也

海國圖志 卷三十一
種分散，往往爲數國，自疏勒以西北，休循捐毒之屬，皆故塞種也。屬賓地平溫和，有苜蓿、雜草、奇木、檀、櫟、梓、竹、漆、種五穀、葡萄、諸果。糞治園田，地下溼生稻，冬食生菜。其民巧，雕文刻鏤，治宮室，織罽刺文繡，好治食，治金、銀、銅、錫以爲器，市列以金、銀爲錢，文爲騎馬，幕爲人面，出封牛、水牛、象、大狗、沐猴、孔爵、珠璣、珊瑚、琥珀、璧流離，它畜與諸國同。自武帝始通屬賓，自以絕遠，漢兵不能至，其王烏頭勞數剽殺漢使，後軍侯趙德使屬賓，與其王陰末赴相失，陰末赴鎖狼當德，殺副以下七十餘人，遣

使者上書謝，孝元帝以絕域不錄，放其使者於縣度，絕而不通。成帝時，復遣使獻謝罪，漢欲遣使者報送其使，杜欽說大將軍王鳳曰：「屬賓前親逆節，惡暴西域，故絕而不通。今悔過來，而無親屬貴人奉獻者，皆行賈賤人，欲通貨市買，以獻爲名，又煩使者送至縣度，爲防護寇害。起皮山南，更不屬漢之國，四五斥候士百餘人，五分夜擊刁斗自守，尙時爲所侵盜，驢畜負糧，須諸國稟食，得以自贍。國或貧小不能食，或桀黠不肯給，擁疆漢之節，餒山谷之間，人畜棄捐曠野而不反，又歷大頭痛小

頭痛之山，赤土身熱之阪，令人身熱無色，頭痛嘔吐，驢畜盡然。又有三池盤石阪道，陜者尺六七寸，長者徑三十里，臨崢嶸不測之深，行者騎步相持，繩索相引，二千餘里，乃到縣度。畜墜未半，阨谷盡靡碎，人墮執不得相收視，險阻危害不可勝言。聖王分九州，制五服，務盛內，不求外，今遣使者承至尊之命，送蠻夷之賈，勞吏士之眾，涉危難之路，非計也。使者業已受節，可至皮山而還。於是鳳白從欽言，罽賓實利，賞賜賈市，其使數年而一至。

案縣度在烏秣西，與罽賓鄰，當在今巴達克山西境，乃印度河岸也。

後漢書大月氏國居藍氏城，西接安息，四十九日行，東去長史所居六千五百三十七里，去洛陽萬六千三百七十里，戶十萬，口四十萬，勝兵十餘萬人。初，月氏為匈奴所滅，遂遷於大夏，分其國為休密、雙靡、貴霜、胘頓、都密，凡五部。翎侯後百餘歲，貴霜翎侯邱就卻攻滅四翎侯，自立為王，國號貴霜。王侵安息，取高附地，又滅濮達。罽賓悉有其國，至其子立，復滅天竺，置監領月氏。自此之後，最為富盛，諸國稱之，皆曰貴霜王。漢本其故號，言大月氏云。高附國在大月氏西南，亦大國也，其俗似天

竺而弱，易服善賈，販內富於財，所屬無常。天竺屬賓安，息三國，強則得之，弱則失之，而未嘗屬月氏。漢書以爲五翎侯數，非其實也。後屬安息，及月氏破安息，始得高附。

魏書：大月氏國都盧監氏城，在佛敵沙西，去代一萬四千五百里，北與蠕蠕接，數爲所侵，遂西徙都薄羅城，去弗敵沙二千一百里，其王寄多羅勇武，遂興師越大山，南侵北天竺，自乾陀羅以北五國盡役屬之。世祖時，其國人商販京師，自云能鑄石爲五色璫璃，於是採礦山

中於京師鑄之，既成，光澤乃美於西方來者，乃詔爲行殿，容百餘人，光色映徹，觀者見之，莫不驚駭，以爲神明所作。自此中國璫璃遂賤，人不復珍之。○阿鈎羌國在莎車西南，去代一萬二千里，國西有縣度山，其間四百里中，往往有棧道，下臨不測之淵，人行以繩索相持而度，因以名之。土有五穀諸果，市用錢爲貨，居止立宮室，有兵器，土出金珠。一統志：漢書稱烏秬國，西有縣度，魏書則以權于靡國，卽漢之烏秬，而縣度在阿鈎羌國之西，考阿鈎羌去權于靡止三十里，境壤毗連，蓋漢烏秬國至魏分而爲二，其在今則皆拔達克山境也。又波路國在其西北，與今布魯特在拔達克山西北者，地勢正合。波路與布魯音近，其爲布魯特部

無疑○小月氏國都富樓沙城其王本大月氏王寄多羅子也寄多羅爲匈奴所逐西徙後令其子守此城因號小月氏焉在波路西南去代一萬六千六百里先居西平張掖之間被服頗與羌同其俗以金銀錢爲貨隨畜牧移徙亦類匈奴其城東十里有佛塔周三百五十步高八十丈自佛塔初建計至武定八年八百四十二年所謂百丈佛圖也○罽賓國都善見城在波路西南去代一萬四千二百里居在四山中其地東西八百里南北三百里地平溫和有苜蓿雜草奇木檀槐紫竹種五

穀糞園田地下溼生稻冬食生菜其人工巧雕文刻鏤織罽有金銀銅錫以爲器物市用錢他畜與諸國同每使朝獻○嚙嚙國大月氏之種類也亦曰高車之別種其原出於塞北自金山而南在于闐之西都馬許水南二百餘里去長安一萬一百里其王都拔底延城蓋王舍城也其城方十里餘多寺塔皆飾以金風俗與突厥畧同其語與柔然高車及諸胡不同眾可十萬無城邑依隨水草能鬥戰西域康居于闐沙勒安息及諸小國三十許皆役屬之號爲大國與柔然婚姻自太安以後

海國圖志 卷三十一
每遣使朝貢。初熙平中，肅宗遣王伏子統宋雲沙門法
力等使西域，訪求佛經。時有沙門慧生者，亦與俱行。正
光中還，慧生所經諸國，不得知其本末。及山川里數，蓋
舉其畧云：其國去漕國千五里，去瓜六千五百里。一統志今
愛烏罕為蔥嶺西南大國。漢書所云南道踰蔥嶺，則出
大月氏與今愛烏罕適合。魏嘯噠隋挹怛皆月氏總類
其所載都馬許水南及烏許水南蓋字畫之傳訛。漢書
稱其都媽水烏許與媽其音固相近。是嘯噠挹怛之與
月氏同為一地也。鉢和國在渴盤陁西，其土尤寒，人畜
皆愛烏罕境也。同居穴地而處，又有大雪山，望若銀峯，有二道，一道西
行向嘯噠，一道西南趨烏菴，亦為嘯噠所統。○賒彌國

在波知之南山居，不信佛法，專事諸神，亦附嘯噠。東有
鉢盧勒國，路險緣鐵鎖而度，下不見底。熙平中，宋雲等
竟不能達。烏菴國在賒彌南，北有蔥嶺，南至天竺，婆
羅門胡為其上族。婆羅門多解天文吉凶之數，其王動
則訪決焉。土多林果，引水灌田，豐稻麥，事佛，多諸寺塔，
事極華麗，為法不殺，犯死罪，唯徙于靈山。西南有檀持
山，山上立寺，以驢數頭運食，山下無人控御，自知往來
也。○乾陁國在烏菴西，本名業波，為嘯噠所破，因改焉。
其王本是勅勒，臨國民二世矣，好征戰，與罽賓國鬪，三

年不罷人怨苦之有鬥象七百頭十人乘一象皆執兵仗象鼻縛刀以戰所都城東南七里，有佛塔高七十丈，周三百步，卽所謂雀離佛圖。

新唐書吐火羅，或曰土豁羅，曰覩貨羅，元魏謂吐呼羅者，居蔥嶺西，烏許河之南，古大夏地，與挹怛雜處，勝兵十萬，國土著少女多男，北有頗黎山，其陽穴中有神馬，國人游牧北于側，生騎輒汗血，其王號葉護，武德貞觀時再入獻，永徽元年獻大鳥，高七尺，色黑，足類鳧，駝翅而行，日三百里，能噉鐵，俗謂駝鳥，顯慶中，以其阿緩城

爲月氏都督府，析小城爲二十四州，挹怛國，漢大月氏之種，大月氏爲烏孫所奪，西過大宛，擊大夏，臣之，治藍氏城，大夏卽吐火羅也，嚙噠王姓也，後裔以姓爲國，訛爲挹怛，俗類突厥，天寶中，遣使朝貢，俱蘭，或曰俱羅弩，曰屈浪弩，與吐火羅接壤，地三千里，南大雪山，北俱魯河，出金精，琢石取之，貞觀二十年，遣使者來獻，書辭類浮屠語，劫國居蔥嶺中，西南距賒彌，西北挹怛也，去京師萬二千里，氣常熱，有稻麥粟豆，畜羊馬，武德二年，遣使者獻寶帶，玻璃水精，柘，越底延國，南二千里，距天竺

西北千里至賒彌，東北五千里至瓜州，居辛頭水之北，其法不殺人，重罪流，輕罪放，無租稅，俗翦髮，被錦袍，貧者白氍，自潔潔，氣溫，多稻米石甯。此國非北印度而與北印度毘連故先述之

新唐書箇失密，或曰迦溼彌羅，北距勃律五百里，環地四千里，山回繚之，他俗無能攻伐，王城西瀕彌那悉多大河，地宜稼，多雪不風，出火珠，鬱金龍種馬，俗毛褐，世傳地本龍池，龍徙水竭，故往居之，開元初，遣使者朝獻胡藥，且言有國以來，並臣天可汗，受調發，國有象馬步

三種兵，臣身與中天竺王阇吐蕃，五大道，禁出入，戰輒勝，有如天可汗兵至勃律者，雖眾二十萬，能輸糧以助，又國有摩訶波多磨龍池，願為天可汗營祠，因丐王冊，冊木多筆為王，自是職貢有常，其役屬五種，亦名國，所謂咀义始羅者，地二千里，有都城，東南餘七百里，得僧訶補羅地，三千餘里，亦治都城，東南山行五百里，得烏刺尸地，二千里，有都城，宜稼穡，東南限山千里，即箇失密，西南行險七百里，得半笈蹉地，二千里，又得曷邏闐補羅者，其大四千里，有都城，多山阜，人驍勇，五種皆無

海國圖志 卷三十
君長云

新唐書罽賓，隋漕國也，居蔥嶺南，距京師萬二千里而
羸，南距舍衛三千里，王居修鮮城，常役屬大月氏，地暑
溼，人乘象，俗治浮屠法，武德二年，遣使貢寶帶、金鎖、水
精、瑣、頗黎，貞觀中獻名馬，遣果毅何處羅拔等，厚齎賜
其國，并撫尉天竺，處羅拔至罽賓，王東向稽首再拜，仍
遣人導護使者至天竺，顯慶三年，以其地修鮮爲都督
府，開元七年，遣使獻天文祕方奇藥，罽賓及烏菴國王，
乾元初使者朝貢。

